



嘉興府志

ル 5
1574
18



門 儿 名 5
1074
卷 18

名宦

細賢之傳或疑有以名宦之為則謂非公道非
自德有大節足以垂後不朽則謂其不也惟於
蘇蘇及蘇夫也應流雲散流雲散於公於公
德德則次及守分是職職職職職職職職職職
死軍文武均謀志其事顯石能事守守守守守
有斐君子終不取也也也也也也也也也也也

嘉興府知府善化許瑤光重輯

名宦

鄉賢之傳或疑有私名宦之傳則罔非公道非真有功
 有德有大節足以垂後不朽則當其至也擁旄張蓋勢
 赫赫然及其去也風流雲散聲寂寂然矣舊志首著節
 鎮監司次及守令紀載嚴謹矣茲者先夷燬後粵匪凡
 死事文武均詳考其事蹟焉餘亦采輿論以綴入所謂
 有斐君子終不可諠兮也志名宦

統轄

武職附

晉

高使君

碑作史君古使字借

佚其名建武中出為嘉興監屯校尉領

兵三千屯田于此久而鎮靜歲遇豐稔公儲有餘累遷

侍中征虜將軍授北海信都二郡守未之鎮終于此梁

大通年立廟祀之

至元志另詳祠祀

唐

張廷珪字溫玉濟源人初海鹽縣省入嘉興百姓應奉苦

塗遠開元五年廷珪為蘇州刺史奏於舊海鹽縣吳禦

越城西北復立縣治又奏置澈浦鎮卒諡貞穆

新纂

朱自勉廣德中為嘉禾屯田使脩水利畝畝之政民始殷

富邦人立石頌美

柳志參舊浙江通志

吳公約黃巢之亂公約隨董昌禦巢于西鄙奏置都額于

硤石兼授義和鎮遏使後其子重裕襲拜西佳鎮遏使

兼義和鎮事見羅隱撰吳公約碑

趙圖記

五代

曹信仁和人唐末兵興信保臨平鎮後移鎮嘉興慈惠愛

民始城其地

詳城地

子珪嗣嘉興都將乾甯中淮人圍之

珪登樓張樂縱酒矢石交至晏如也寇不敢逼吳越王

壯其功授蘇州刺史及卒嘉興民思之立祠祀焉

柳志參劉

志

宋

段少連字希逸開封人爲兩浙轉運副使秀州獄死無罪

人時少連在杭吏畏恐聚謀僞爲死者服罪欸未及綴

屬少連已拏舟入城訊獄吏俱服請罪以爲神明宋史本傳

章縉浦城人宣和初提刑浙西時嘉興民高安與陳某有

怨乘方臘起誣爲盜聚黨闔門殪之安以捕盜邀賞縉

廉得其情實諸法稱爲神明趙圖記案宋史章縉傳縉通判秀州遷倉部員外郎出提點兩浙刑獄趙圖記云官終戶部員外郎者誤

王士言武舉進士累立戰功宣和初方臘爲寇詔擇材畧

之士馮熙載薦爲東南第二將首解嘉興之圍

楊存中本名沂中字正甫暗縣人爲閭門祇候建炎二年

討賊徐明於嘉興先登主帥將屠城存中力諫止之戮

其渠魁而已郡賴以全以上宋史本傳

張宗顏字希賢延安人張俊選爲統領從俊討浙西寇秀

州軍校徐明以城叛宗顏夜襲其城明遁後擢龍神衛

四廂都指揮使以上宋史本傳

趙士醫宗子任秀州兵馬都監建炎四年烏珠入州士醫

乘城拒戰城陷死之宋史附見趙士隆傳

黃灝字商伯都昌人進士歷太府寺丞出知常州提舉本

路常平秀州海鹽民伐桑柘毀廬屋殍殮盈野或食其

子持一臂行乞而州縣方督促逋欠灑見蹙蹙然時有旨停閣夏稅遂奏乞併閣秋苗不俟報行之言者罪其

專移居筠州已而寢謫命止削兩秩而從其蠲閣之請

宋史本傳 案宋史灑知常州兼提舉常平在光宗時趙志以為知秀州一作常州劉志以為建炎知州並誤

趙善悉淳熙九年知秀州奉孝宗親札開濬海鹽官塘增

置鄉底堰新纂

羅叔韶字儀甫四明人以胄子登太常第紹定三年任澉

浦監鎮廉平多善績始初官解鑿解旁河數里屬鎮人

常棠為澉水志樞尹袁韶憲使吳淵倉使袁肅太守黃

壯猷交薦之於朝去後民立德政碑新纂

邢子政淳祐七年鎮守澉浦鎮統領水軍嘗鑿泉黃道山

架屋以資汲者海鹽圖經

汪立信臨邛人淳祐進士景定初官浙西提點刑獄即嘉

興治所講行荒政咸淳十年為端明殿學士沿江制置

使江淮招討使建康兵潰扼吭而死贈太傅宋史本傳

元

隋世昌棲霞人善騎射累戰功至宣武將軍至元十四年

進安撫使佩金虎符鎮澉浦十七年以獲海賊階功進

安遠大將軍卒封定海郡侯

趙賁亨字文甫冠氏人由行軍千戶晉宣武將軍至元十

四年盜發澈浦朝廷檄賁亨討平之後終處州路管軍

萬戶以上海鹽圖經

徹里燕只吉台氏大德元年拜江浙行省平章政事江浙

稅糧甲天下平江嘉興湖州三郡當江浙什六七其地

極下水鍾為震澤震澤之注由吳淞江入海歲久江淤

塞豪民利之封土為田由是浸淫泛溢敗諸郡禾稼朝

廷命行省疏導發卒數萬人徹里董其役凡閱四月畢

工召入為中書平章政事元史本傳

張廷玉廣陵人以江浙省掾督漕于嘉興郡自兵興後公

私之舟皆為戰艦一有漕輓則有司責舟于上農上農

憊之于舟民舟民乘急而昂其直上農告病廷玉命有

司如故法具舟舟民要利愈甚計費米六萬廷玉不忍

農之蒙害乃減舟數之半使往來轉載省費三萬石一

時官民稱便嘉興湯志

瞻思字得之其先大食國人至元三年除僉浙西肅政廉

訪司事即按問都轉鹽運使海道都萬戶行宣政院等

官贓罪復以浙右諸僧寺私蔽猾民有所謂道人道民

行童者類皆瀆常倫隱徭役使民力日耗契勘嘉興一

路為數已二千七百乃建議請勒歸本族俾供王賦朝

廷是之著為令改浙東以病免歸卒封恒山郡侯元史本傳

明

費進洪武初澈浦所千戶奉安慶侯命度地築澈浦城千

戶孫信建澈浦倉厥千戶朱貞建澈浦新倉

王福仁和人洪武二十八年以海運陞瀋陽中屯衛百戶

子真襲右所百戶孫輔龍韜相嘉靖三十二年禦倭寇

于新塘嘴戰沒

許占乍浦所千戶洪武三十四年陞本衛指揮僉事永樂

四年從張勝征交趾屢戰有功五年從羅文攻廣原州

天峯寨歿于陣占在衛廉恕人感之不忘

以上海鹽圖經

王貴本姓脫其先康里國人祖忠洪武中入金山衛歸附

穎國公傅友德隸永平衛靖難初累功授遵化衛指揮

使賜姓王氏父得洪熙中征迤北沒于陣貴承襲宣德

十年調海甯衛指揮僉事貴卒子俊嗣俊卒子軒嗣軒

性至孝精占卜術其孫勳字世榮正德己卯武科有膽

力善射乍浦有悍卒七人時號七虎上官令捕之夜出

詣境悉得之無遺

嘉禾徵獻錄

余騰蛟通州人永樂時襲澈浦所百戶建議開澈浦上河

軍民咸享其利

海鹽圖經

崔信冀州棗強縣人永樂三年以軍功陞大甯前衛中所

正千戶予世襲宣德二年調蘇州衛守禦嘉興中左千

戶所正千戶其裔承襲者曰勝曰陞曰恩曰廷潤曰宣

曰經奎曰紹斌曰嘉林世守其職並著勞績吳志參崔氏族譜

案吳志誤以永樂中得軍功者為崔拾貳不知拾貳乃信父也又其裔無姓而有甫祥今並據崔譜正之

夏原吉字維詰湘陰人為戶部尚書浙西大水有司治不

效永樂元年命原吉治之原吉請循禹三江入海故蹟

濬吳淞江下流上接太湖而度地為閘以時蓄洩從之

役十餘萬人明年復行浚白茆塘劉家河大黃浦三年

夏浙西大饑原吉率俞士吉袁復及左通政趙居任往

賑之發粟三十萬石給牛種有請召民佃水退淤田益

賦者原吉馳疏止之姚廣孝還自浙西稱原吉曰古之

遺愛也尋召還理部事明史本傳

趙居任永樂三年海溢塘圯居任以右通政督浙西蘇松

等九府水政躬行海上指授布置併工修築堅厚完固

至今賴之劉志

喻良字顯忠敘州人為御史永樂初治嘉興農政往來阡

陌館西塘之福源宮為人溫厚愷悌多惠政東根古壩

其所築也後遷苑馬卿去祠在嘉善袁志

羅亨信字用賓東莞人永樂進士授工部給事中視浙水

災奏蠲嘉興海鹽崇德稅糧五十餘萬石仕至左副都

御史廣東通志

熊槩字元節豐城人幼孤隨母適胡氏冒其姓永樂進士擢大理寺卿與葉春同往巡撫南畿浙江設巡撫自此始浙西豪持郡邑短長為不法海鹽民平康暴橫甚御史捕之遁去會赦還益聚黨八百餘人概捕誅之已悉捕惡數十輩械至京論如法于是奸宄帖息諸衛所糧運不繼軍乏食概以便宜發諸府贖罪米四萬二千餘石贍軍乃聞于朝帝悅諭戶部勿以專擅罪概還朝始復姓遷右都御史明史本傳 案概任巡撫時尚未復姓故舊志俱作胡概

李能先世由甯波衛百戶升授千戶能于永樂二十一年征長興受賞傳至嘉元舉武科納級指揮僉事督造捍

海石塘征倭戰船轉漕治兵俱有聲績
海鹽圖經

周忱字恂如吉水人永樂進士宣德五年巡撫江南諸府總督稅糧正統六年兼巡撫嘉湖二府時海鹽築捍海塘一郡七縣合役萬夫費萬計皆出忱度支梅不能為患浙江當造海船五十艘須米千石忱以成大事不惜小費第奏減二十石報可忱素樂易先是胡概為巡撫用法嚴忱一切治以簡易告訐者輒不省或面訐周公不及胡公忱笑曰胡卿勅旨在驅除民害朝廷命我但云安撫軍民委寄正不同耳後進工部尚書明史本傳 參世法錄

崔源甯波衛指揮同知正統七年任備倭把總潔已奉公

退食端坐無惰容後征處州賊葉宗雷累功陞都指揮
守武義賊復來攻戰死

陳文字彥章温州衛指揮同知天資仁厚慕古好讀書時

延儒者講論經史後以平處州寇功陞都指揮移鎮金

華以上海鹽圖經案景泰續衛志云正統七年設把

衛志以陳文居首崔源其初蒞也陳文繼之而王文祿

原文之未知孰是王祿曰浙東西四總自正統間倭夷數犯始設備倭

把總嘉靖三十六年因倭夷內擾加欽依自樂填始加

以都指揮體統行事自祁雲龍始聞諸獻老云崔端之

英邁忠勇劉璋之威重刑相之儒雅嚴明之廉威豈易得

哉予所及見者顧邦重之才能有守楊和之材識崔鼎

之清介亦表表云承平日久力加振作而海甸肅如者

其張寵之乎又聞張鯤者正德間征開化守察西寨路

逢漆客巴元宗縛之為俘控馬壯士侯左叩而諫曰曹彬不妄殺子孫永昌請釋之不聽送都指揮李隆竟斬焉嗚呼用兵當以此為戒可也此文可備掌故附錄之

徐榮巢縣籍世襲乍浦所百戶正統八年倭寇登岸戰歿

子政銳襲吳志參海鹽圖經

楊瑄字廷獻豐城人景泰進士任浙江副使按行海道禁

將校私縱戍卒修捍海塘築海鹽堤岸二千三百丈民

得奠居海鹽人祠祀之明史本傳

洪遠字克毅歙縣人成化進士任浙江按察僉事鋤豪強

撫孤癸歲饑分賑嘉湖倣朱子浙東舊法行之二部獨

無流殍尋轉副使巡海道仕至南京工部尚書分省人物考

劉甯字時泰襲衛指揮性孝友涉獵經史署衛指揮二十五年殫心撫恤兵餉罔有滯缺歲饑移檄請賑且捐俸助之戎伍全活甚眾每大比設宴餞衛士之試者于西郊或曠學廢職貽戎胄以愧之傳子銳字蓄之識政體

能詩詳海鹽文苑傳

吳志參海鹽圖經

黃光昇晉江人爲浙江水利僉事嘉靖壬寅海溢塘圯光昇以典守之官塘不大壞不以聞故往往後時而倍費乃取千字文鐫于塘石分合塘長各典其號稍壞卽舉不舉者罰至今稱黃公塘後官刑部尙書

劉志參道南源委

林文沛長樂人爲工部郎中嘉靖中海溢塘圯奉勅督修

文沛講求遠計修築天關等塘寅出酉入廉靜不擾暇進諸生講授經義宛如師友百姓歌咏之

劉志

彭雲全椒人衛指揮同知撫士卒以仁性至孝父疾割股療之傳子大年字蠡湖有勇畧嘉靖丙午倭犯唐家灣散家財募死士四十人率之破倭斬七級倭遁去卒傳子紹賢兼文武材性寬大所至多厚德

嘉禾徵獻錄參海鹽圖經

王忬字民應太倉人嘉靖進士三十一年以浙江倭寇命忬提督軍務巡視浙江先後上方畧十二事任參將俞大猷湯克寬又奏釋參將尹鳳盧鏜擊賊首汪直及漳泉羣盜連巨艦百餘蔽海至濱海數千里同告警上海

及南匯吳淞乍浦蔡嶼諸所皆陷蘇松甯紹諸衛所州縣被焚掠者二十餘畱內地三月飽而去忬遣將士逐燬其船五十餘艘于是先所奪文武將吏俸皆得復尋以給事王國禎言改巡撫忬方視師聞中賊大至犯浙江盧鏜等頻失利御史趙炳然劾其罪帝特宥忬忬因請築嘉善崇德桐鄉德清慈谿奉化象山城而恤被寇諸府時已遣尙書張經總督諸軍進忬右副都御史巡

撫大同

明史本傳

湯克寬鳳陽人邳州衛指揮嘉靖三十一年任浙江參將克寬器宇雄壯臨敵果毅先爲福建參將會倭寇海上

巡撫王忬奏調守海鹽至則簡卒伍嚴號令休兵養士以待方經營間倭數百突入乍浦卽帥眾往剿賊遁據高公山克寬鼓噪而登殺賊四十餘人未幾倭大至以三十七艘泊東關龍王塘直抵城下四面亟攻城中震駭克寬獎率官軍百計捍禦所部邳兵劉黑虎黑煞神等三百餘人並驍勇絕倫分門督守克寬親自繞城巡察衣不解甲者五晝夜賊知有備去調守金山邑人議欲建祠祀之未果

劉志參海鹽圖經

馬呈圖字兆先襲衛指揮僉事嘉靖三十一年倭犯海鹽呈圖奮勇攻擊生擒真倭二十四名次年倭首八大王

等自青村登岍官軍摧敗呈圖提兵出城與戰軍潰直
入賊圍身被三十餘創殞絕祀英烈祠子繼武襲浙江通志

參嘉禾
徵獻錄

徐行健合肥人父玠守禦乍浦鋤強植善汰革弊規兵民
帖服幼時父訓之甚嚴行健卽以忠義自許有膽畧勇
決過人承襲海甯衛指揮嘉靖癸丑倭犯海上行健統
兵守澉浦訓練有法倭攻之輒敗不敢近臨陣必書姓
民於衣以死自誓橫經河鳳凰山諸處屢戰捷獲倭級
百餘丙辰四月倭犯海鹽行健率兵五百當之倭分其
眾一由乍浦一由北王橋腹背夾攻行健力戰死贈官

立廟子志達襲陞都指揮僉事次子志伊指揮僉事

滿朝字建臣黑山人世襲指揮同知有氣節嘉靖癸丑守
梁莊寨倭酋八大王以賊四十二人由金山潛踰梁莊
而南朝所統兵甚少奮勇率千戶王繼隆百戶楊臣康
綬追及砂腰村賊據民家登屋揮旗朝射之殪復有賊
從白馬廟突出朝力敵不支死繼隆等亦死祀英烈祠
子子謙襲子謙幼育于繼母嘗擠之井不死而事之益
恭壽一百一歲孫上林輪刀如飛弓挽二石後逐寇沒
于硤石

康綬嵩縣籍乍浦所百戶嘉靖三十二年禦倭寇于白馬

廟戰歿以上海鹽圖經

采煉字叔綱定遠人襲衛指揮少負氣有膽畧管陸路團

操嘉靖三十二年倭犯新塘嘴馬呈圖先馳煉率激浦

所兵三百策應手斬二賊力屈與指揮陳善道俱死祀

英烈祠子鳳翔襲海鹽圖經參嘉禾徵獻錄

盧鏜處州衛指揮嘉靖三十二年攝參將分守海鹽追勦

倭寇多所斬獲乍浦沈家莊等大捷皆由鏜統率兵船

圍海口截寇歸路也歷官大都督海鹽圖經

姜楫海甯所千戶嘉靖三十二年征海寇死海鹽城外事

聞陞其子本所副千戶浙江通志

王鏜吳志作鏜字海山密雲人世襲乍浦所正千戶持身剛介

好讀書馭下有法嘉靖三十二年倭犯乍浦城鏜率其

子邦振分軍巷戰力盡被執不屈罵賊死與鏜同日死

者百戶陳綬冠帶總旗張儒海鹽圖經參平湖張志

滿繼隆乍浦所千戶嘉靖三十二年追倭寇於白馬廟戰

歿子國昌陞正千戶

楊臣世襲乍浦所百戶嘉靖三十二年禦倭寇於白馬廟

力戰死後絕

呂鳳零陵人襲激浦所千戶嘉靖三十二年率其子爵禦

倭於新塘嘴並戰歿孫繼忠襲以上海鹽圖經

張經榜姓字廷彝侯官人正德進士除嘉興知縣上下文

移自為區畫宿胥巨猾咸斂迹無敢吐語僉審糧役皆訪其貧富臨期去取悉愜人心值歲凶賑全活無算召為吏科給事中歷兵部尚書以倭寇命經總督江南江北浙江山東福建湖廣諸軍便宜行事經徵兩廣狼土兵聽用倭二萬餘據柘林川沙窪其黨方踵至經日選將練兵為搗巢計以江浙山東兵屢敗欲俟狼土兵至用之及田州瓦氏兵至欲速戰經不可東蘭諸兵繼至經以瓦氏兵隸總兵官俞大猷東蘭那地南丹兵隸游擊鄒繼芳歸順及思恩東莞兵隸參將湯克寬分屯金山衛閩港乍浦犄賊三面以待永順保靖兵之集會侍郎趙文華以祭海至與浙江巡按胡宗憲比屢趣經進兵經曰賊狡且眾待永保兵至夾攻庶萬全文華再三言經守便宜不聽文華密疏經糜餉殃民畏賊失機欲俟倭飽颺勦餘寇報功帝怒下詔逮經方文華拜疏永保兵已至其日即有石塘灣之捷至倭突嘉興經遣參將盧鏜督保靖兵援以大猷督永順兵由泖湖趨平望以克寬引舟師中路擊之合戰於王江涇斬賊首一千九百餘級焚溺死者甚眾自軍興來稱戰功第一給事中李用敬聞望雲等言王師大捷倭奪氣不宜易帥帝

嘉興府志 卷四十一 三

大怒曰經欺誕不忠聞文華劾方一戰用敬等黨奸杖於廷斥爲民經旣至備言進兵始末且言任總督半載前後俘斬五千乞賜原宥帝終不納論斬天下寃之隆

慶初復官謚襄愍

明史本傳參嘉興湯志

胡宗憲字汝貞績溪人嘉靖進士三十三年出按浙江時歙人汪直據五島煽諸倭入寇而徐海陳東麻葉等巢柘林乍浦川沙窪日擾郡邑帝命張經爲總督李天寵撫浙江又命侍郎趙文華督察軍務倭寇嘉興宗憲中以毒酒死數百人及經破王江涇宗憲與有力文華盡掩經功歸宗憲經遂得罪超擢宗憲總督兵部右侍郎

初宗憲令客蔣洲陳可願諭日本國遇汪直養子激於五島邀使見直宗憲與直同鄉里欲招致之釋直母妻於金華獄資給甚厚洲等諭宗憲指直大喜因畱洲而遣激等護可願歸宗憲厚遇激令立功激遂破倭舟山宗憲請於朝賜激等金幣縱之歸激大喜以徐海入犯來告亡何海果引大隅薩摩二島倭分掠瓜州上海慈谿自引萬餘人攻乍浦陳東麻葉與俱宗憲壁塘棲與巡撫阮鶚相犄角會海趨阜林鶚遣游擊宗禮擊海於崇德三里橋三戰三捷旣而敗死鶚走桐鄉賊乘勝圍之宗憲計與鶚俱陷無益遂還杭州遣指揮夏正等持

激書要海降時海病創意頗動因曰兵三路進不由我一人也正曰陳東已他有約所慮獨公耳海遂疑東而東知海營有宗憲使者大驚由是有隙正乘間說下海海遣使來謝解桐鄉圍復巢乍浦初海入犯焚其舟示士卒無還心至是宗憲使人語海曰若已內附而吳淞江方有賊何不擊之以立功且掠其舸爲緩急計海以爲然逆擊之朱涇斬三十餘級宗憲令大猷潛焚其舟海心怖以弟洪來質宗憲因厚遇洪諭海縛陳東麻葉許以世爵海果縛葉以獻宗憲解其縛令以書致東圖海而陰泄其書於海海怒海妾受宗憲賂亦說海於是

海復以計縛東來獻率所部降宗憲摩海頂慰諭之海自擇沈莊屯其眾沈莊者東西各一以河爲塹宗憲居海東莊以西莊處東黨令東致書其黨曰督府檄海夕禽若屬矣東黨懼乘夜將攻海海挾兩妾走間道中稍明日官軍圍之海投水死遂俘洪東葉五郎及海首獻

京師加宗憲右都御史

明史本傳

阮鶚號函峯桐城人嘉靖進士官浙江提學副使浙方苦倭寇鶚下令諸生操弓矢習射作忠義之氣擢右僉都御史巡撫浙江賊攻乍浦追斬之阜林賊奔桐鄉鶚冒重圍入桐鄉賊多方攻擊隨機應之計窮遁去後設伏

擒巨魁陳東麻葉辛五郎滅徐海勦餘黨于舟山擒斬
殆盡兩浙始得休息士民思鶚德相與立祠

明史胡宗憲傳參獻

徵錄

案禦倭之有戰功方畧者尙有戚繼光俞大猷諸人前志既不載攷其勲績亦不盡屬嘉興不備列

宗禮字周道其先常熟人隸籍於燕中嘉靖武舉由祖職
署指揮僉事任參將奉命禦倭於浙禮提兵掩擊敗賊
於新城堡乘勝攻破新場賊遁去總督胡宗憲檄禮隨
賊所向追勦之連有吳江嘉興之勝至崇德縣探倭至
阜林勢且犯杭率兵往阜林迤西石橋止營禦之倭萬
餘夾河來戰禮統兵不滿九百人殺傷甚多賊敗去番

休來攻三戰三北死傷無算軍大振會石橋前鋒中賊
砲橋失守禮被重傷猶裹創奮臂戰以眾寡不敵兼乏
食軍無後救力竭仰天呼曰死當滅賊以報國遂遇害
事聞贈都督同知諡忠壯建褒忠祠於阜林以時饗焉

分省人物考

霍宗道

宗一作貫

湮其籍貫時為裨將與宗禮並奉命討賊賊

至適遇宗道張左右翼於城下麾兵鏖戰斬首數萬因
無援力竭見禮死亦自刎時同死者副將侯槐何翔本

宋應瀾楊巨王相賴恩李錫

新纂

彭應時山陰人中武科為鎮撫以亢被黜都御史王忬鎮

浙檄使練士會參將盧鏗自松江擊走蕭顯時有千總

劉大仲率黨胡大少仲吳蠻牛力戰死應時截諸乍浦

海塘為賊所掩乃奮鬪被鎗墮馬死性聰敏能詩文材

力武技蓋鄉里中尤妙馳射善撫士卒

徐文長集

劉燾天津人嘉靖間倭警起為浙西兵備道燾精奇門風

角之術至郡按圖視險選將募兵有乍浦王江涇諸捷

著浙西海防稿行世

舊浙江通志

朱輔字翼公公安人成化進士初任南陽同知擢御史轉

嘉湖道禦倭失援為所獲弗屈死倭首憐其忠以屍還

嘉興民戴其德眾為營斂賜祭贈官祀鄉賢

廣東通志

潘恩字子仁上海人嘉靖進士浙江參政分守杭嘉湖道

方按部海鹽而烏寇猝至圍之數十市時城無見兵恩

鼓舞吏人晝夜睥睨間不少懈賊知不可破乃解累遷

右副都御史巡撫河南

徵獻錄

陳宗夔湖廣人先巡按福建勦倭有功改浙西兵巡道嘉

靖甲寅兵寇蝟集宗夔外禦內撫確有碩畫以不隨俯

仰去

姜廷頤巴陵人嘉靖癸丑分巡浙西時倭寇犯海鹽廷頤

衝圍入城閱實埤守鼓勵士卒與鄉士大夫講畫捍禦

之方不少懈城賴以全

李元律字師吉滋陽人祖世襲衛指揮振力能拔樹性至孝親疾衣冠不解父煥熟于春秋能左右射嘉靖甲寅元律從參將盧鏜追倭寇於孟家堰遇伏力戰死元律初為諸生有文名應武舉中第一人

劉大仲處州人以把總守海鹽孟家堰之戰與指揮李元

律處州千戶薛綱俱死之

以上吳志

于守爵襲澈浦所千戶嘉靖三十三年勦倭寇累功陞澈浦衛署指揮同知子時保襲

方泰字吉甫儀真人儒雅善書法及詩嘉靖丁酉武舉署海甯衛指揮同知以廉介恭勤著稱嘉靖甲寅倭寇來

犯帥兵追勦屢有功隆慶中錄其勤事并其麾下方昇等一百二十九人陞賞有差著詩稿三卷

海鹽圖經參嘉禾獻徵錄

姚宏梁海甯衛指揮嘉靖乙卯九月征倭寇於金山進攻陶宅同指揮邵鼎生員于岳乘勝搗賊巢皆戰破

吳志參倭

變志

丁僅處州衛指揮嘉靖三十四年任參將有勇畧子堯時亦知兵同僅追倭廣陳獲輜重三艘倭據小營盤巡司堅壘自守攻破之部下有得倭賄者斬以徇又與指揮徐行健追倭石墩海岸獲級尤多王江涇之戰僅父子先登眾倭披靡官兵大捷

以上海鹽圖經

張鈇字寵之台州衛指揮嘉靖丙辰攝參將事築海鹽縣
澉浦乍浦海甯三所外墉防禦有賴其禦箭牌火器諸
攻守具至今用之

徐玠合肥籍世襲海甯衛指揮使守禦乍浦時鋤強植善

弊規革汰一新玠子行健素以忠義自許嘉靖丙辰大

艘倭寇登乍浦進犯海鹽行健率兵當之腹背受攻身

被重創死贈官立廟海鹽圖經

姚岑潛山人襲澉浦所千戶嘉靖三十五年禦倭寇于新

塘嘴戰歿于思舜襲海鹽圖經參
嘉禾徵獻錄

陳文治字國章秀水人衛指揮僉事坐事戍新河所嘉靖

三十九年參將戚繼光選入幕府以斬倭級功授海甯

衛前所百戶稍遷指揮同知以總兵昌平上首功不實

繫獄十餘年死

莊國禎晉江人嘉靖時為兵備道駐郡城廉肅清慎時倭

警初平民苦兵革國禎持以鎮靜務與民休息修戰守

備方畧未嘗以戎事擾民按獄平反不務深文及去官

人思頌之以上
劉志

王樵金壇人萬曆甲戌治兵浙西待下寬簡不事聲色生

平志行醕白民沐其惠著有尚書日記及詩文集士人

多誦法之袁志

崔成俊字朝彥初為諸生受餼廩中乙榜者再後襲廕衛

指揮登萬曆癸酉丙子已卯三科武舉以蠲忤上官遂

罷成俊深於經術善屬文著祭書祭劍等集以見志卒

時遺命必用儒者服以葬生平事父母孝先世產悉讓

二幼弟傳子天賜字青支中萬曆三十二年武會試陞

指揮使歷官廣東總兵

吳志參海鹽圖
經嘉禾徵獻錄

王啟子中萬曆已卯壬午乙酉三科武舉乙未成進士以

軍門中軍領水兵防旅順調征釜山加守備職銜賞銀

鈔子明翼以武舉陞備倭把總

海鹽圖

馬如錦臨山衛指揮萬曆三十年任參將邑有三虎搏人

率壯士射得之邑中失火夜半傳令撲滅詰朝計功賞

士數十金民醵錢以償辭曰吾自行吾令毋煩爾也卻

之遷漳潮副總兵

張景房常熟人武進士萬曆四十六年任參將時東南穀

暴貴邑中掠劫羣起景房部署將士畫城為四令民各

守其界有作暴者縛之民遂定遷狼山副總兵

海鹽圖

管應鵬宣城人萬曆進士歷員外郎出知嘉興府旋陞本

郡兵巡道勤于吏治摘發如神時海氛未靖例有春秋

二汎應鵬巡視沿海諸衝要籌備多方

袁志

焦續後天啟三年任參將翰林竝諸孫也嘗平江南巨寇

殲山東妖賊降其眾二萬餘治兵海上人素懼其威望

咸為肅然茗溪盜起即率所部戍守之

海鹽圖經

蔡懋德字雲怡崑山人萬歷進士授杭州推官以清廉稱

崇禎庚午備兵嘉湖時劇盜屠阿丑聚黨劫掠懋德以

計擒之著勸民詞四十條訓兵三十六篇擢山西巡撫

殉流寇之難

宋繼登字先之萊陽人萬歷進士崇禎庚辰任嘉湖巡道

歲饑貧民棄子女于路者日千計四郊劫掠有殺孤弱

以為食者繼登立殲數人檄郡縣設法賑糶民賴以安

袁志

侯峒曾字豫瞻嘉定人天啟進士分守嘉湖道政務繁劇

不資幕客治官書達旦不寐嚴行保甲匪類潛踪定漕

卒之亂軍民畏服後內擢通政使殉難

嘉定志

吳克孝號魯崗太倉人崇禎進士分巡嘉湖甲申三月抵

任甫及旬聞流寇陷京城境內盜賊羣起克孝練技勇

首捕青腰黨魁黃文姚二等立斃之又劫鞘積盜葉六

聚眾實繁斗張三者負驍勇皆次第擒梟于是餘黨數

千焚其籍不問德威並布民心始安土弁屠某挾直指

勢藐視監司假名召募售其奸克孝令健卒縛致正其

罪乙酉解組將去民倚以為命強畱之哭聲載道至夜

潛逸 浙江通志 參袁志

國朝

佟國器奉天人順治二年任嘉湖兵備道禾郡西連太湖東亘三泖萑苻多匿奸國器悉心勦禦巨寇悉平再任浙江按察使陞江西巡撫復調任浙江熟悉瀕海情形抵任卽招降僞都督廖明旗勦滅海逆阮六等海疆甯謐浙民賴之 浙江通志

洪秉銓字玉衡仁和人順治初任嘉興府同知時大兵南下鹽民已歸順澈人惑於浮言聚眾戕參將周一誠於是諸臺發兵剿澈秉銓監諸軍之後戒軍士勿入縣城

居民始獲安堵邑人爲文頌其德立碑學宮 新纂

霍達號魯齋陝西人進士順治間分巡嘉湖長於聽斷吏胥不得上下其手嘗夜出擒盜盜畏之終其任不敢入境開濬城河建眞如塔皆捐俸首倡躬自經理官至都

御史 袁志

李兆乾階州人順治十四年以參政分守杭嘉湖道太湖連接蘇常素稱盜藪官兵捕則遁去退則剽掠居民兆乾設立水柵簡練兵卒隄防要害躬率屬員設伏搜捕盜賊駭散三郡以安 舊浙江通志

郭光斗漢軍正黃旗人順治十五年任遊擊築城濬濠增

兵益械著有勞績陞龍泉關參將兵民立石紀善政

王標山海關人以殺賊功授把總順治十七年七月陣亡

含山馬奔歸對其妻垂淚三院題詩給銀一百二十兩

葬秦駐山以上海鹽續圖經

鄭鈺大興人任嘉興守備順治十七年會勦石門賊力戰

陣亡

賜恤蔭

大清一統志 案鈺字崑岡由河南千總陞任海鹽中軍守備尋陞湖廣鎮守都司部劄已到時順治十六年天下初定盜賊尚多有上寇陳標者聚眾數千在含山等處勢甚猖獗奉憲檄調會勦或勸以陞任辭鈺毅然不可遂率本部兵前往奮勇擊賊斬級甚多終以力屈而死上官嘉其忠勇具題廕一子世昌入籍海鹽縣史燧號曉瞻溧陽人進士順治間任嘉湖兵備道和易持

大體值海寇侵境地方震動燧鎮靜不請兵城門聽民

出入而暗伏兵于城外以備不虞晝夜躬自偵緝不憚

勞苦奸宄屏息民賴以安

上官鑑字金鑑山西人進士順治庚子任分巡道持躬澹

正安靜不擾以秩滿陞任去以上袁志

楊倫遼東人康熙三年任遊擊為人樸誠恭謹好與賢士

大夫交訓練戎伍地方安輯

張國臣以把總分汎沈蕩康熙十三年五月十九日賊犯

搶劫被眾圍困國臣冒鋒刃遇害

善泰字仲憲滿洲鑲黃旗人康熙五十九年隨征西藏屢

著勞績雍正七年自杭州移駐乍浦歷官左營右翼協

領入 朝陛見疊荷白金蟒服之賜性淡泊好吟咏公

退之暇葛衣紉屨乘欵段出遊矍然如山翁澤叟也著

有草竹軒詩及詩餘雜著若干卷 乍浦備志

吳輝祖高郵州人雍正武進士由海甯衛守備調任奉憲

調赴海甯監築尖山開疏引河並督澉浦土塘陞象山

都司

黃天寅澄海人武進士雍正二年任乍浦水師遊擊治兵

嚴肅有犯法痛徵之不輕革其糧謂若輩本無賴子利

餉來吾營吾蒞以刑威冀其革面若革其糧而縱逸之

彼衣食無資其不至於作奸犯科者幾希矣遇良善輒

勉以功名屬弁有仕至提鎮者居五載以疾歸 以上平胡玉志

柳進忠晉江人雍正六年任乍浦水師遊擊時奸民奉檄

鑿湯山勢張甚進忠密揭總督李衛請勒石永禁乍浦

以甯九年改參將 乍浦志

傅森滿洲鑲黃旗人雍正七年任乍浦水師副都統時新

立駐防營調劑兵民甚有法兵有怙勢虐民者輒痛懲

之後陞杭州將軍去民焚香遮道送者以千計 九山續補志

薩哈爾岱滿洲正黃旗人雍正八年由京營防禦出為乍

浦佐領十三年陞協領擢副都統勤訓練嚴約束與將

士諳諳勛以廉恥或麗於法懲治無稍貸性能飲始服
 官卽自爲節制及受闔寄曰吾兵之或至鬪很者酒也
 其技擊不精良身家不給者亦酒也欲嚴禁之不可不
 身先遂絕酒先是爲卒伍時隨征西藏有功生平生長
 軍中未嘗通曉漢文凡筆帖式及屬弁有知書史者時
 引與揖讓俾講論古名臣大畧居官九年遷浙江將軍
 去之日滿漢兵民及閩廣商旅餞送多有泣下者平湖
王志
 甯武立滿洲正藍旗人繙譯進士由部郎陞甯紹台道署
 杭嘉湖道事海鹽有永安湖旁有民田八千餘畝賴張
 老人聞以減水孫家堰以蓄水乾隆二十年間海昌陳

氏惑於風水將開堰互易改築以致頻年患旱民訟之
 官案久不結武立自往踏勘地勢情形瞭如指掌遂得

復舊制焉詳見水利伊志

圖克善滿洲鑲紅旗人乾隆二十二年爲乍浦副都統甫
 至官適將軍來視師參將助供億資圖愕然曰何與若
 事旣而俯首爲沉吟狀畱數金餘却之參將喜越明日
 將軍去以衣物付質庫還所畱金參將驚爲同官道之
 羣以爲帥臣中之軒輓海瑞也好讀書旦夕誦經史不
 輟惟屏詩詞弗觀曰是無益於身心政事者持身嚴肅
 在內署盛暑必冠帶衣多疏布任二年以罣誤回京僚

屬知其貧醵金爲贈堅持弗受鬻衣服器具以行

平湖王志

劉元陝西人以軍功任澉浦守備乾隆二十六年居民失

火元親率兵日衝煙上屋救熄之市中廬舍多賴以全

至今人猶道之

伊志

帥承瀛字仙舟黃梅人道光初年巡撫浙江知汪仲洋之

能拔補海鹽知縣委辦塘工又奏撥帑金十萬兩發商

生息逐年修理民獲安居

新纂

程學啟字方中安徽桐城人隸蘇撫李鴻章麾下隨同帶

領楚軍入滬克復蘇松所向有功嗣因恢復吳江乘勝

以水軍入淞自平望進薄長虹橋杉青閘旌幟所至賊

沿塘營壘剗削殆盡先是賊懼學啟鋒聞以南填土壘

石斷木塞水道及師至兩岸觀軍容者如堵役善泅者

通之民憤寇夙刺骨俄頃疏濬成戰艦遂直逼城下學

啟用兵尚攻堅法令兩兵肩砮砲洋鎗閒之測量遠近

靡堅不摧同治二年正月命先鋒何安泰踏冰進攻冒

死擁上中槍陣亡學啟憤失良將遂收隊蓄養士氣未

踰月會同劉秉璋潘鼎新李昭慶各帥作犄角勢分攻

東西南三門學啟獨北攻踞坐近城秋涇橋最高頂冒

煙燄中指揮部伍鎗丸掠額勿顧也於二月二十八日

克復報捷者至創痛甚舁歸營養疴蘇州旋卒事聞

賜諡忠烈建專祠

新纂參忠義錄

何安泰字階平安徽舒城人爲偏裨時躬爨汲一日戰士接仗歸腹枵甚羣詈其炊遲安泰懟且破釜謝不能領隊者陽責之而陰壯之拔爲前鋒每摧堅陷陣能入能出程學啟奇其才恢復蘇松洊擢至參將尋加提督銜規取嘉興礮轟城圯乘間登陴中鎗死

詔依提督例

賜卹死事地方建祠

新纂參忠義錄

黃金友字益亭湖南人初從軍廣西轉戰湖北江西安徽積功至直隸遊擊補用副將 賜勇號咸豐十年

與提督米興朝軍浙江之平湖十一年春賊閒道破乍

浦遂據之四月東略姚廊將窺金山金友時營張堰馳援大破之遂平新倉賊壘賊氣奪以前功升總兵會知縣汪元祥乞師規復平湖金友壯之請提督曾秉忠撥水師四十艘會遣弟遊擊守忠赴援并檄華亭奉賢團軍以五月朔誓師進駐縣之廣陳元祥率民兵迎勞請爲鄉導一鼓破之賊計窮傾巢與嘉興援賊會分道襲我軍出四里橋間道見有備不戰退金友迎戰於十字街戰方酣發火箭賊披靡金友右脇忽被創猶誓死戰士皆奮呼無不一當百然創發不能騎從子海樓昇登舟至明珠庵卒聞於 朝以提督例 賜卹諡武

烈浙江忠義錄

覃聯陞字輔堂四川雲陽人隸鮑超軍同治二年正月統領浦東防務時賊踞平湖乍浦突至新倉勢張甚開濠築東西營功將半矣聯陞整部至金絲娘橋分兵截乍浦之賊北趨新倉圍賊營先攻西營破之旋折而東聯陞拔戟當先躍馬至秦橋下忽中火銃部下請退厲聲曰今解圍去賊明日復來民無噍類矣不翦滅吾死不瞑言訖遂絕眾感出死力然巨礮轟破東營焚賊船斬首無算賊自是不敢復東聯陞積功至副將大吏上其死事於朝以總兵例

賜卹浙江忠義錄

陳長瑞鄞縣人咸豐十一年五月間澈浦義民沈掌大起兵攻賊長瑞率營兵為前鋒十三日進攻賊堡焚城鄉偽官房屋十餘處所向披靡將抵璵城薄暮驟雨礮裂船沉賊乘勢迎拒力竭陣亡事聞得

旨賜卹入祀本籍府城及陣亡地方昭忠祠

國史館立傳新纂

陳國棟福建龍溪人由行伍歷乍浦營參將秉性果毅膂力兼人嘉慶三年八月出洋攻盜身自振舵鼓勇直前猝中飛礮死柯介錫鎮海人乍浦營把總以八年三月緝匪被戕事皆先後上聞得邀恩卹祀昭忠

祠于志

韋逢甲山東人以進士攝篆乍浦海防同知時海疆久靖

道光壬寅倭警報至眾驚竄率義勇沿海防堵出禦敵

中礮洞左脇不絕其下昇至六度庵卒 賜祭葬

卹襲 敕建五忠祠於省垣逢甲與焉新纂

長喜字怡亭鑲黃旗人乍浦水師副都統道光壬寅四月

海氛熾禦敵葫蘆城受傷投水前鋒校賞呵佈挽之出

瞑目叱止之卒死於郡城三塔灣壬寅乍浦殉難錄

韓大榮字耀峰邑人乍浦水師右營把總道光壬寅夷犯

乍浦大榮守觀山牛角尖寨地當極衝被刃去指猶戀

戰中火槍死 卹襲如例壬寅乍浦殉難錄

該杭阿乍浦右營正藍旗驍騎校壬寅夷陷浦城值司北

門管鑰夷挾刃脅褫其衣冠乃兩手捧帽加首據案坐

罵被牽至城隍廟見酋首畱廟廡與之食不食遇人輒

揮拳夷伺稍疎取神前爐灰塞喉哽咽死當湖外志

史雲臯湖州人以澈浦把總分駐沈蕩汎勤於緝捕里民

咸安應調紳耆請畱至今稱之于志

錫齡阿 旗人咸豐年由荆湘都統移篆乍浦時寇猖

餉絀恐軍士解體妻胡扎爾氏出私蓄銀二千兩分給

旗兵曉以大義同治壬戌三月九日與寇相持惹山東

寨正轉戰間鄰營米軍導賊登城錫齡阿中火銃死胡

扎爾氏知事不濟先縊死長子榮祿伏劍死次子榮耀
巷戰死邑人擇地球山建祠祀錫齡阿夫婦與難者祔

事聞 賜謚武烈 參乍浦忠節祠彙錄序

魁齡字與九蒙古鑲白旗人嘉協副將充咸豐庚申補行

已未武闈監射官試事未竣粵匪蹂躪杭城巡撫羅遵

殿派守清波門魁齡晝夜梭巡聞福勝勇與賊通城上

下交語卽手刃勇以徇二月城潰死之賊退跡其尸從

叢骸中搜得之元如生樁至禾未蓋棺家人視含殮畢

顏色始變事聞 賜卹 予謚恭介新纂

傑純蒙古鑲白旗人以駐防協領守杭州滿營功擢甯夏

副都統改官乍浦副都統仍留佐將軍瑞昌軍結水管

省城湧金錢塘兩門外咸豐辛酉冬戰死於西湖六橋

得 旨褒卹 予謚果毅 節忠義錄駐防傳

王玉林四川人以兩江補用參將隸江蘇巡撫李麾下同

治癸亥隨克風涇駐兵鎮南十月進攻張涇滙中槍猶

手刃數賊歿於陣玉林果敢善戰每臨陣身先士卒馭

軍嚴明風涇士民愛戴設位請祔祀李主簿 錫賴百戶

恩 彰義祠 新纂


曹廷標鮑泉皆嘉興武舉人廷標以署嘉左營守備庚申

夏死郡城泉以嘉善汛把總調省派守清波門辛酉冬

死省城俱

賜卹

忠義錄
有傳



嘉興府

郡佐教職
首領附

唐

趙居正彭城人天寶九載為吳郡太守以嘉興海鹽地廣

奏割華亭縣又海鹽多盜置海甯鎮節束之

趙圖
記

後晉

錢元弼崇德人天福二年始置秀州元弼為刺史經營新

治以惠愛稱終金吾上將軍

劉志

宋

王恕饒陽人後唐時童子及第開寶中知秀州盜起城陷

恕死之其子濟方卯角賊刃脇之濟伏尸號痛指賊曰

父死吾安用生恨不能殺汝報讎耳賊義釋之官軍至

濟謁帥陳討賊計帥賜束帛聞于朝假驛以歸後以死

事孤試學士院補官趙圖記案此附見宋史王濟傳云恕開寶時知秀州疑有悞

柳植字子春真州人舉進士甲科為大理評事遷著作郎

知秀州擢知制誥累遷吏部侍郎植平居畏慎寡言笑

所至官舍蔬果不輒採家無長物時稱其廉宋史本傳

李餘慶字昌宗家于福之連江起家應天府法曹參軍後

通判秀州州近鹽場餘慶作華亭海鹽二監以業盜販

之民歲入緡錢八十萬又為石堤自平望至吳江五十

里以除水患王安石李餘慶墓誌

劉師道字損之一字宗聖開封人舉進士歷知秀州師道

敏于吏事所至有聲吏民畏愛加樞密院直學士宋史本傳

羅拯字道濟祥符人第進士歷知秀州諸所興革民便之

加天章閣待制宋史新編

耿肱字天來揚州人祥符時知秀州值郡治傾圯肱創新

之又移建郡學日偕諸儒談論經義在官六載清慎不

擾吳志

錢藻字純老和州人進士大中祥符間判秀州善持法擊

奸仆疆郡中大治終翰林學士趙圖記

龐籍字醕之武成人及進士第知秀州累進天章閣待制

同中書門下平章事以太子太保致仕謚莊敏籍曉律令長于吏事持法深峭治民有惠愛

葛宮字公雅江陰人舉進士知秀州秀介江湖間吏為關涇瀆上以徵往來間有昏葬趨期者多不克宮命悉毀之積官工部侍郎以上宋史本傳

葉清臣字道卿長洲人天聖進士知秀州累遷兩浙轉運副使太湖有民田豪右據上游水不得洩而民不敢訴

嘗建議疏盤龍滙滬瀆港入于海民賴其利劉志

聶厚載皇祐中知秀州剔奸弊蘇窮困以循政聞趙圖記

劉甯止字無虞歸安人進士知秀州有文名臨事慷慨終

吏部侍郎徽猷閣學士

丁銳會稽人熙甯中為秀州司戶在官著仁政活民書二

卷行世以上劉志

李定以孫覺薦為秀州軍事推官歷太子中允監察御史

裏行由選入為御史自定始柳志

孫洙字巨卿廣陵人進士補秀州法曹初至人以書生易

之洙政理精練素官無以過之以艱去吏民見思趙圖記

張先字子野烏程人進士元豐中判秀州有俊才尤工詩

曾建花月亭有雲破月來花弄影之句終都官郎中劉志

王覲如臯人進士為秀州司戶參軍沈厚精敏具文武才

州有嚴綜者謀為不軌事覺逮捕千餘人綜竄跡不能得覲至以計獲綜止坐預謀者七人餘悉釋之累官御

史中丞龍圖學士

趙圖記
參吳志

韓瓘字德全開封人參政億之曾孫元豐間知秀州蒞官

明敏事無壅滯吏不敢欺人稱有忠獻家法

劉志

沈括字存中錢塘人進士累官龍圖學士元祐初謫知秀

州博物洽聞政事明敏稱名守

趙圖記

姚憲字令則紹興中以父舜明任補海鹽丞後知秀州士

豪錢安國匿亡命為盜州縣莫敢詰憲擒之并其支黨

悉置于法焚其巢穴州里遂安浙西大水民饑憲請輸

粟萬斛以賑累官參知政事

劉志

洪皓字光弼鄱陽人進士宣和中為秀州司錄大水民饑

發官廩平糶不能自食者煮粥食之立屋于東南兩廢

寺男女異處令嚴而惠徧會浙東綱米四萬斛過城下

皓白守邀留以濟守不可皓曰願以一身易十萬命竟

畱之全活萬五千餘戶州人呼為洪佛子後秀軍縱掠

過皓所治相戒不犯丁父憂還里畱家于秀建炎三年

奉使金羈畱十五年不屈得歸秦檜惡之以謫死諡忠

宣

至元志
參劉志

樓异字試可奉化人宣和初知秀州以善理聞值大旱异

案囚釋寃者七十二人不數日大雨累遷徽猷閣待制

劉志參
吳志

宋昭年宣和間知秀州會方臘起陷郡縣昭年謂吾州次

當受敵繕修城隍為備已而賊將方七佛引眾六萬攻

城昭年與統軍王子武死守後大軍至合擊之斬首九

千朝廷嘉其功進秩

柳志參
趙圖記

章緯字伯成浦城人建炎時為秀州判官時水旱相繼緯

上疏請緩賦稅又奏置義倉以忤時宰報罷尋復原官

先後在郡凡十八年

趙圖記參吳志
案建甯府志緯
知秀州非判官在崇甯間非建炎

趙叔近魏悼王五世孫建炎元年為秀州守杭卒陳通反

詔辛道宗將西兵討之兵潰為亂抵秀州城下叔近乘

城諭以禍福亂兵乃去未幾差權兩浙提刑叔近以素

隊數十人入城賊眾不解甲叔近置酒推誠待之遂皆

感服城中稍定叔近奏通初無叛心正緣賞不時給遂

至紛爭請赦其徒二百餘人帝許之叔近還秀州已而

王淵兵至杭詐傳呼云趙秀州來通郊迎淵遂誅之秀

卒徐明為亂叔近撫定之淵與叔近有隙朝廷命張俊

討徐明俊淵部曲誣殺叔近徐明等見叔近死遂反俊

誅之紹興九年御史言叔近之寃贈集英殿修撰

以上
宋史

本傳參柳志
案史又云王淵誣叔近通賊奪職拘于
州以朱芾代之芾肆殘虐軍民怨憤小卒徐明率眾囚

芾迎叔近領郡事叔近不得辭因撫定之請擇守于朝
奏未達朝廷命張俊致討領兵至郡叔近出迎俊叱令
致對方操筆羣刀遽前斷其右臂叔近呼曰我宗室也
俊曰汝既從賊何云宗室語未竟已折首于地徐明等
見叔近死遂反戈嬰城縱火驅掠翌日俊斬關入
捕明等誅之王明清揮塵三錄所載亦與史相同

程俱字致道衢州開化人建炎中為太常少卿知秀州會
車駕臨幸賜對俱言陛下德日新政日舉賞罰施置俱
當天意俯合人心則趙氏安而社稷固不然則宗稷危
而天下亂其間蓋不容髮高宗嘉納之金兵南渡據臨
安遣兵破崇德海鹽馳檄諭降俱率官屬保華亭畱兵
馬都監守城時朝議主和令俱遷避促使管押錢弊航
海至永嘉既朝見以病丐歸官終徽猷閣待制宋史本傳參趙

圖記

鄧根字深伯昭武人進士建炎初知崇德縣有風力高宗
南渡陳通叛于杭根部槍杖手鮑貽遜與戰辛道宗軍
潰賊勢益張根善射有勇畧卒誅通次年五月秀卒徐
明叛根討平之後代程俱為知州兵燼後經理有方秀

民賴之

明一統志
參柳志

方滋字務德桐廬人紹興初守嘉興急吏寬民百廢具舉
徙建州學以興教化士感其德趙圖記

胡沂字周伯餘姚人進士紹興間為秀州軍事推官時遷
播之餘民窮盜起獄訟繁興沂務忠厚不廢摘發郡賴

以安終禮部尚書劉志參
袁志

徐葺字子禮吳人乾道間知秀州以文章飾吏事無苛猛之政吏民舉安

汪義端字充之歙人知秀州有勢戶數千畝不輸賦義端責其輸而以田歸之民以上
劉志

呂正己字穆叔東平人嘉定時守嘉興民好訟正己教以善言論之由是感悟吳志
按正己守郡在淳熙四年吳志誤作嘉定今改正詳見官師表

邱密字宗卿江陰軍人隆興進士遷太常博士出知秀州時華亭縣捍海堰廢且百年鹹潮歲大入壞並海田蘇湖皆被其害密至海口訪遺趾已淪沒乃奏叛築三月堰成三州瀉鹵復為良田累陞寶文閣學士刑部尚書

同知樞密院事宋史本傳
案趙圖記密子壽邁為司農卿即移家崇德之保甯鄉

鄭伯英字景元永嘉人進士乾道間判秀州儁健果決論事慷慨志欲盡洗紹聖以來弊政復祖宗之舊不苟為祿仕以親老歸趙圖
記

張瑄字子律甯州人知嘉興府中貴人藍氏殖產于崇德縣名田過制而役不及有鍾澹者糾之藍迫期去產以規免官吏欲許之瑄判曰兩家物力相去遠甚而藍又白腳必如法乃可一郡稱快民張瑄得臨安營妓與之歸欲棄妻出子其兄止之復悖兄兄以告瑄為逐妓以

大義開諭之于是璿兄弟夫婦父子如初陸游張瑄墓志

韓彥質淳熙中知嘉興府遇事精敏無阿私姦猾畏憚未

一年政成優游撫馭郡以無事趙圖記

孫夢觀字守叔慈谿人進士歷知嘉興府蠲租稅省刑罰

有古循吏風布衣蔬食行節儉之化歷官吏部侍郎柳志

參趙圖記

張元成字純一淳熙中知嘉興府善屬文創撰嘉禾志五

卷累遷禮部侍郎吳志

唐璘字伯玉古田人紹興間為監察御史出知嘉興府政

通人和及去父老出涕遮送數十里不絕官至太常卿

明浙江通志

吳柔勝字勝之宣州人淳熙進士為伊洛持敬之學丞相

趙汝愚知其賢將寘之館閣乃權差嘉興府教授柔勝

日切磨諸生講學不怠浙右大水常平使委以荒政竭

力推行多所全活會汝愚去國御史湯碩劾柔勝擅放

田租為汝愚收拾人心且主朱熹學罷之終知太平州

加祕閣修撰劉志

喬行簡字壽朋婺川人學于呂祖謙之門紹熙進士歷官

淮西轉運判官知嘉興府歷練老成識量宏遠居官知

無不為好薦士多至顯達歷官少師封魯國公柳志參趙圖記

王介字元石金華人趙圖記作平江人紹熙進士對策有直名歷

宗正少卿中書舍人出知嘉興府歲餘去民不忍舍終

知慶元府趙圖記

岳珂彰德人甯宗朝權發遣嘉興軍府兼管內勸農事有

惠政痛其祖武穆王為秦檜所陷政暇輒屏居郡治西

北偏金佖坊著顛天辨誣天定錄等書題曰金佖粹編

又延里人關棧表卿續修嘉禾志十六卷後家于郡自

號倦翁柳志參袁志吳志

吳潛字毅夫甯國人嘉定進士通判嘉興權發遣嘉興府

事前守岳珂嘗欲營室養孤老不果行潛累括田得米

二千七百石聚無告者居焉宋史本傳參吳志

彭欽字仲恭清江人嘉定間以父廕授軍器監主簿調嘉

興通判監司表其廉平劉志

劉漢弼字正甫上虞人嘉定進士歷官著作即知嘉興府

嚴氣正性終戶部侍郎趙圖記

趙與峇字中父憲靖王伯圭曾孫家歸安以父廕歷監海

鹽場浙右茶鹽司主管文字浙西提刑司幹辦公事咸

有政績淳祐未知嘉興府治為諸郡最累官浙西安撫

使趙圖記參趙孟頫先侍郎肝表

謝堂柳志作瑩天台人寶祐間來守是邦以學廟混出一門於

是闢大門于西偏更造廟門增創講堂又置公田若干

畝以羨廩人士後以選召為大司農柳志

皮龍榮字起霖醴陵人淳祐進士遷著作郎入對因及真

德秀崔與之廉龍榮曰今天下豈無廉者願陛下崇獎

之以風天下帝以為然兼兵部郎官差知嘉興府有智

畧景定二年拜參知政事宋史本傳參趙圖記案舊

政著聞史傳畧焉附見于此

陳塤字和仲鄞人試省部皆第一為太常博士娶史彌鞏

女而不附彌遠出為郡守政因人情民以休息公庭虛

閒日進衿佩與之問難傍郡之士皆借屨來歸彌遠死

召為樞密院編修官民涕泣請畱不報終國子司業劉志

參袁志

陳著景定中著作郎上疏論賈似道害民出知嘉興府時

徐經孫亦論似道致仕去經孫所舉陳茂廉時為公田

官分司嘉興曰我不可以負徐公亦致仕去時稱為三

烈劉志

趙景緯字德夫於潛人咸淳間知府事以護根本正風俗

為務三乞辭不許終禮部侍郎柳志參袁志

陳肖孫奉化人咸淳初以善政事由大理丞戶曹郎出知

嘉興府趙圖記

案吳志宋代府職名宦共五十二人內林希錢顛毛滂未詳政績顛滂入嘉興流寓希見官師表

元

高仁字壽之世居無棣縣少以材推擇為吏歷嘉興路總管府治中時列郡方祠奉帝師凡庀材用召匠備一出於民力仁獨諭浮屠氏之籍於白雲中者俾任其役官無一粟之耗民無半餉之勞而祠事以儲部使者以最

聞黃潛高仁墓志

單慶至元中為郡經歷延郡博士徐碩纂輯至元嘉禾志三十二卷前此舊章悉賴以考證云吳志

辛仲實案舊志俱作仲實誤字仲和彰德人大德初守郡政事修明

興利舉廢悉中民情趙圖記

高睿河西人大德間歷官侍郎出為嘉興總管盜晝掠民久捕不得睿下令生擒之遷廉訪使劉志

沈天祐號一齋杭州人大德間為本府教授招經士制古樂歸疆復稅給榜免役三事有功學校柳志

和元昇字仲德東平人泰定間為守有和平寬厚之稱劉志李衍字仲賓汴人大德中舉良方正授嘉興路同知時勢

豪多涸湖為田民病旱澇衍請設澗西都監營田司剷去湖壩諸田陞平江路水軍副都萬戶嗣見元政日非隱居海鹽之苞溪歿即葬焉子孫占籍多聞人于志

褚不華字君實

案前志俱作褚君實攷元史卽褚不華君實其字也今改正

石樓人泰

定中授海道副千戶轉嘉興路治中政事精明奸猾屏

息他郡冤滯者多赴訴之後爲淮東廉訪副使守危城

城陷死節追封衛國公

元史本傳參趙圖記

鄭大中

吳志作忠誤

字義甫延祐時爲嘉興路推官嘉興浙西

大郡獄尤夥大中決遣之數月乃至無事

虞集鄭大中墓碣

貢師泰字泰甫宣城人舉茂才延祐中官編修會修宋遼

金史忤當事意出爲府治中上下憚其廉明久不調尋

卒

程榮秀字孟敷休甯人延祐末路學教授新陸宣公祠訂

正遺書風厲學者擢江浙儒學副提舉

以上趙圖記

八札

案劉袁吳志作八札崇誤

至順時爲州守建州學大成殿卒于官

士子思之

吳志

杜浦

柳志作溥

至正中爲嘉興路總管廉正仁厚勸農桑除疾

苦尤以興學爲務教化大行

柳志

陳春至正中爲路推官時私鹽獄興繫千餘人不決春一

訊釋被誣者數百人時方久旱大雨驟至人號爲陳公

雨

方道叡字以愚淳安人進士至正中由編修任推官凡聽

讞必解囚桎梏賜之飲食溫辭反覆務得其情民爲之

語曰方公一斷死而無怨官至員外郎

陳良弼字公甫甯國人至正間路學教授律身教人皆存

古道一錢斗粟不入私室修葺學宮經費鉅萬以屬良

弼辭非儒官所預守益賢之

以上劉志

劉貞至正中為嘉興路總管時四方多難貞政務寬仁存

問鰥寡撫循貧乏大興學校及去任人皆遮道涕泣攀

挽柳

志

林邦福字彥夫瑞安人為陶莊務副使時境大禋民嘯聚

奪餼糧至殺人邦福承檄掩捕盡得之議法者悉置重

典邦福走告部使曰饑民瀕于死為亂其情有可原者

使者然之減死數百人

趙圖記

禿堅董阿良臣以至正五年守嘉興鮑恂學記謂其正已

勤事尤以學校為先務延名士為訓導以教諸子弟傲

科舉式以會諸郡能文之士期年而文化翕然易櫺星

門以石建文昌祠

柳志

李復元末為路同知嘗立寨于王江涇拒張氏又路通守

繆思恭當張士信來攻思恭拒于杉青閘以火攻之師

大捷

吳志

案吳志另列宦跡類傳元時載有王總管至元初高田
賊作殉難民立廟祀之又徐總管延祐末重修路學二
人皆失名又陳宗義至正末總管張士誠圍嘉興兵燹
後民廬為墟宗義拓基建明倫堂并四齋學始大備其

他別無宦蹟前志皆不立傳附存于此

明

呂文燧字仲明永康人洪武元年守嘉興松寇錢鶴臯來襲城文燧告急于行省李文忠計擒之諸將欲屠城文燧爭曰據城者賊民則何辜乃釋不屠尋詔文燧持節諭闍婆國道死郡民巷哭之已而私鹽獄興有司以文燧常署牘奏籍其家上知其誠信不圖奸利且没于使

事特詔還之

趙圖記

謝節

案舊志作謝士毅失其名

字士毅洪武初知府時干戈甫定節與

民休息勤于撫字時出游讌使民知太平氣象

柳志

薛祥字彥祥無為州人洪武初為工部尚書丞相胡惟庸惡之左遷北平布政使謫守嘉興愛民節用稱為循良惟庸誅復為工部尚書

趙圖記

何敏中廣信人以身行卓異舉為合洪武中守嘉興政聲

茂著

劉志

龐安洪武中通判是時鹽政殊嚴安獲鹽徒械送京師而以鹽賞捕獲者戶部以安違例取罪狀安上書曰律者萬世之常例者一時之旨今欲准例而行則與給賞應捕之律相違而使陛下失大信于天下也上是其言詔

如律

趙圖記

趙豫洪武末為嘉興府推官讞獄平恕郡有貧民搆訟繫

獄久之餽餉屢絕豫審其情使就食民亦感服不忍逸

去明一統志參趙圖記 案明史循吏傳有趙豫字定素安肅人永樂間為員外郎任松江府有善政未言其為嘉興推官存以俟考

劉觀洪武末知府修舉學校尊禮賢士興利除害境內肅

然劉志

蔣廷瓚洪武時通判在郡九載廉潔自矢遷去時止敝衣

數簾郡人鄒濟銘其墓稱其在官時布衣蔬食不媿古

之循吏吳志

楊得安宜興人監生永樂初知府政事和易與物無競寮

宋咸推服之擢僉都御史劉志

齊政山陽人進士永樂中知嘉興府為政勤慎時徵役鑄

錢苦妨農事政編之為三番以期代更迄役而民不知

勞柳志

戴啤字士儀浮梁人永樂中舉禮部乙科訓導嘉興啤病

文勝先行檢重經術故士多實才而啤亦以績最進德

清教諭父喪服闋改慈谿升教授再蒞嘉興學者益眾

有富民數輩遣養子入學啤不可民賂按察官彊啤啤

執愈確坐是忤意竟以他事去徵獻錄

劉燾字尙載太和人監生永樂中自柳州移守嘉興慈祥

愷悌不任刑威郡人愛之尋調甯波歷守七郡皆有惠

政劉志

劉縉字縉紳淮安人宣德初由監生任嘉興府同知剛決有為視事九年以致仕去柳志

張恭忻州人宣德初任嘉興府經歷性剛直廉介不攜家累不宿衙舍麤糲食如寒士不妄取予人多稱之先是有尹道充者安福人任是職亦有廉能之譽柳志參吳志

張魁字萬選新淦人性寬厚和易邃于春秋工文詞宣德初以漢州教諭陞本府學教授嚴條約以身為教數年間諸生奮起于學第進士捷鄉闈者視前為盛後以薦

陞御史柳志

黃懋字子勉真定人永樂進士任嘉興知府抑強扶弱吏民畏懷府中舊有持官吏短長夤緣為姦者嚴禁絕之稅銀有為典守侵漁者士貢有為無賴子攬括者懋一切繩之以法大造學宮課試諸生月有勸懲正統九年海塘為風潮激壞懋奏築裏石塘秩滿陞福建左布政使後卒葬嘉興子孫遂卜居焉柳志參分省人物考案袁志懋墓在嘉興之北板坊懋子中舉浙江辛卯鄉試孫瓚成都府教授瑾茶陵州同知八世孫掄舉順治辛丑武進士九鼎禮部儒士有德望給帖蠲徭其子金章以孝聞附見于此

王應清江陵人正統初由監生擢嘉興同知性寬易言動

安詳持身清謹得上下心陞池州府知府

柳志

舒敬字守中靖安人進士歷守嘉興能燭吏民情偽篤意教化營郡縣學課諸生以道術肄習四禮燕語從容咨

訪得失以忤中貴坐免

趙圖記

楊繼宗字承芳陽城人天順進士授刑部主事用王翱薦擢嘉興知府以一僕自隨署齋蕭然性剛廉孤峭人莫敢犯而時時集父老問疾苦為祛除之大興社學民間子弟八歲不就學者罰其父兄遇學官以賓禮師儒競勸文教大興御史孔儒清軍里老多撻死繼宗榜曰御史杖人至死者詣府報名儒怒繼宗入見曰為治有體

公但剔姦弊勸懲官吏若比戶稽核則有司事非憲體也儒不能難而心甚銜之瀕行突入府署發篋視之敝衣數襲而已儒慙而去中官過者繼宗遺以菱芡歷書中官索錢繼宗卽發牒取庫金曰金具在與我印券中官咋舌不敢受入覲汪直欲見之不可憲宗問直朝覲官孰廉直對曰天下不愛錢者惟楊繼宗一人耳九載秩滿超遷浙江按察使繼宗力持風節而居心慈厚自處必以禮為知府謁上官必衣繡服朝覲謁吏部亦然或言不可笑曰此朝廷法服也此而不服將安用之嘗監鄉試得二卷具朝服再拜曰二子當大魁天下吾為

朝廷得人賀耳及拆卷王華李旻也後果相繼為狀元

人服其鑑

明史本傳 案趙圖記劉志及明李樂見閩雜記繼宗守嘉興居常積粟三年得數百斛

值歲饑郡人賴是全活無算後又饑繼宗復發廩不及關白督儲督儲怒行郡案其事方展贖旋風揭贖空不中鷹數十爪之去督儲駭異遂行先後守郡凡九年嘉禾生野滿秩去涕泣挽留者萬餘人為史傳所不載附存此于

楊冠字尚文欽州人監生成化改元為同知佐郡最久稱

良吏遷知平樂府

徐霖字用濟金谿人進士知嘉興府器宇冲雅政事敦厯

成化二十三年夏旱霖欲具題減賦中有齟齬之者霖

再三申請卒得蠲免民永戴之

以上劉志

柳珍字邦用儀真人進士宏治初守嘉興廉慎淳確政有

條理卒于官士民惋惜之方珍病劇時僚友傷其廉悉

索珍在郡所積羨贖銀若干兩請以歸之珍曰吾豈以

垂盡易所守哉言畢而逝郡故無誌珍始輯之

梁材字大用大城人進士正德初守郡精悍廉介布衣蔬

食善摘發奸伏左右莫敢近吏牘章程皆有限刻一郡

稱神明終戶部尚書

以上趙圖記

陳琳字玉柔莆田人進士為御史督南畿學政忤劉瑾謫

同知嘉興代材為守專務以德化民請託不行延獎諸

生興起道藝士民愛之終南京兵部侍郎

劉志

伍文定字時泰松滋人進士正德中嘉興同知時江西姚源賊王浩八等流劫開化都御史俞諫檄文定率兵進討軍華埠賊突至文定擊敗之追破其巢諫上文定忠勇狀詔所司獎勞後佐王守仁擒宸濠官終兵部尚書

大清一統志參趙圖記

李伸字道甫三原人進士守嘉興以道自重言笑不苟對吏民不怒而威有大豪侵官錢事覺在繫奸利益甚伸廉得之并收其子有殺兄謀奪其官者不具輸狀伸一訊遂服於是奸惡束手貴勢無敢以私撓之每從博士弟子講學相詰難至忘等威及遇事無假毛髮舉措因

民不干聲譽去郡三十餘年士民頌思如一日趙圖記

孟津字有涯信陽人進士正德中以御史左遷府同知莅

官清白不事矯飾文名重于時終南京大理卿劉志

徐盈字子謙貴溪人正德末守嘉興值宸濠變武宗南征所過供億繁重吏緣為奸盈鎮靜不擾視他郡獨晏然時常熟濬白茅港當事者檄發郡丁數萬盈曰白茅水患于吾郡差緩驅我民遠役何忍移文助費不就徵發巡鹽御史行郡鞭撻亭竈勒報鹽丁里胥乘機虐民盈爭之御史曰此有例盈曰例自公作亦自公止豈國憲耶獲止加意學校士皆興行吏民守法風俗一變居六

載以讒免郡人立石紀績

柳志本傳

蕭世賢桐城人知嘉興府歲旱羨金千餘減織造樣絹三

百匹立三館以造士治行第一擢去

大清一統志

海瑞字汝賢瓊山人舉人署南平教諭遷涪安知縣都御

史鄢懋卿行部過供具甚薄懋卿恚甚屬巡鹽御史袁

涇論瑞時瑞已擢嘉興通判坐謫興國州判久之擢戶

部主事歷南右都御史卒諡忠介

明史本傳

何祉字德徵進賢人嘉靖時為郡守有萬參政廷彩者欲

加賦什之一名以涇潤嘉興賦六十萬其涇潤亦六萬

餘例自湖州參政謂嘉湖一也白巡撫欲如湖例用代

浙東災傷之輸運艘渡江之費檄下祉曰惡可言嘉興

固無涇潤非湖比也乃自治文書陳不可狀參政怒以

為抗已督責愈嚴間以言侵祉祉弗為動卒如議報罷

祉于利害興革未嘗有所輕議而潛運默成民受其賜

者多矣非直以清白也

簣齋雜著

王學孔安福人嘉靖初守嘉興時旱蝗相仍齋戒步禱甘

雨應時歲復疫癘乃大洗狴犴又為發粟賑饑全活甚

眾聽訟未嘗妄答一人至豪右有權力者毫不假借遷

湖廣副使

劉志

劉邦采字君亮南昌人王守仁弟子舉人嘉靖癸卯由教

諭陞嘉興府同知清慎端恪待民煦若慈母然不可干以私弭盜禁奸發隱摘伏地方賴之

分省人物考參劉志

趙瀛三原人嘉靖乙巳知嘉興府政尚剛毅嚴禁賭博及婦女入市肆疏濬城河以其土運之南湖煙雨樓時田糧多則胥吏緣而為奸乃分田地山蕩二則賦額均平百世賴之又修輯郡志有史斷紺珠經諸書

劉慤字致卿萬安人進士嘉靖辛亥守嘉興值夏旱慤率俸屬拜禱月餘不懈卒得澍雨歲以大稔癸丑倭寇侵境慤率軍民晝夜防守每寇至洞啟四門納郊關男女多所全活時撫按交集視師添設督察大臣經畧嘉善

平湖崇德桐鄉諸縣供億百出慤殫力承事不擾于民有挾權凌之者慤不為屈舊額瀕海歲貢黃魚慤以兵興特疏奏請得停免廉介之守始終不渝

張任字希尹嘉定人進士歷吏部郎中謫嘉興同知時倭寇侵境軍費不貲任與郡守劉慤協心撫字民得安堵後擢巡撫都御史

范鵬字翼卿四川人舉人嘉靖二十五年除府同知歷任八載政尚寬和以地遠告歸

以上劉志

殷廷蘭廣東人嘉靖進士授嘉興推官廉介端嚴聽訟未常輕為出入不可干以私

互見平湖縣名宦

羅拱辰松陽人嘉靖間參將湯克寬移守金山因以拱辰

代攝與倭戰多斬馘功擢本府同知晉浙僉事吳志

侯東萊掖縣人進士知嘉興府問疾苦重學校時倭寇甫

平沿城增建敵樓以備不虞又學宮侵壞捐帑新之官

至刑部侍郎劉志參
吳志

蔡廷臣江西人嘉靖進士任嘉興推官抗直不阿斷獄詳

允爰書悉出其手吏胥莫敢為奸時有豪右翫法必置

諸理不少貨召為御史分守嘉湖隨轉觀察使民受其

惠最久

文彭字壽承長洲人待詔徵明子隆慶戊辰以歲貢司訓

府學坦率和易瀟灑出塵精書畫一時名公俱從之游

李櫟豐城人嘉靖進士隆慶壬申守嘉興加意學校集諸

生論文講道諳諳如家人父子于民之窮獨者撫摩尤

摯常令屬吏各捐羨餘置義田以惠貧民又濬漕河築

海塘至今稱便蒞任四載調守梧州民懷之立石三塔

寺東

蔡民望舉人隆慶庚午為同知謹厚篤實人稱長者署嘉

善刑清政簡深得民心

陳文炅江西人萬曆進士丙子任推官寬平有度讞獄之

暇進諸生講論經義品題科目不爽尺寸陞南刑部主

事以上劉志

黃希憲金溪人進士萬曆丁亥知嘉興府以清白自盟置天監簿登記贖銀毫不自私聽訟必情理相參人情帖服尤勤課士躬親校藝時為諭俗文以諷戒之民知所向今所傳資仕編是其在官時所著也劉志參吳志

黃清掾吏也先任台州府倅有幹材萬曆初以薦擢嘉興府同知時海塘傾圯題請修築清專理海塘經營盡善又開澹裏河鑄鐵獸以鎮潮一時稱能吏云劉志參袁志

魏浣初常熟人進士萬曆時教授勤于講論從游盡知名士屢為考試官得人最盛擢吏部郎中吳志

王以修達州人進士萬曆庚辰守嘉興為政先德化而後刑罰每聽訟片言立決人稱神明守郡甫十月以艱去父老攀轅臥轍至不得行

方揚歙縣人嘉靖進士萬曆時以戶部郎謫嘉興同知志行端方兢兢以古人自律時有胥吏父死欲火化者揚給棺以葬因禁民火化歲饑疫興捐俸施藥署嘉善築值丈田善邑故多積弊揚躬親覈刷豪右不敢為奸公餘與諸生講論經學有餽遺者面斥之尋擢杭州守卒囊無餘貲

耿慎動真定人以鄉薦初為令萬曆己丑任嘉興府學教

授僑儻侃直勤于課士貧者更調恤之陞藩府去

以上劉志

曹代蕭歸德人萬曆甲午知嘉興府宅心平恕禁胥吏擾民省罰緩剔奸蠹甦舖戶清驛傳設社學義塚仁政纍纍既去民祠祀之

曹光德黃州人進士萬曆甲午任推官在郡三載纖毫不染于民立政清簡臨事坦白憂去惟圖書數篋而已

朱邦喜江西人萬曆戊戌任同知才優煩劇而性仁慈羨餘不入一錢署平湖有惠政清查尺籍以除蠹折疑獄片言立解佐郡十載解組去囊橐蕭然

吳國仕歙縣人萬曆中知嘉興府均平徭役以甦民因尤

加意學校每進諸生講論經義海塘傾圮實心修築遇

旱步禱輒獲甘雨

以上袁志

鄭瑄字鴻逵福建人崇禎進士知嘉興府清操惠政聞于時明敏無畱牘聽斷善晰民情遇有干請者必折以理不少借革除吏弊興起文教修府學建宏又館濬城河築官塘以便往來遷甯紹副使士民刻像于石累擢大理寺卿

袁志參吳志

李仕亨晉江人進士崇禎初知府立政寬大民樂其和時

疫癘盛行仕亨選醫官設局施藥民銜其德

袁志

文德翼號燈巖九江人崇禎進士任推官有屬吏粵東人

餽端石發之白金也封函如故謝之曰汝硯不可磨墨却之其介而近人如此隱居三十餘年著書數十種嘗

刪定宋史

皇華紀聞

鍾鼎臣廣東新會人進士崇禎十七年知嘉興府乙酉城破自縊于後堂

國朝乾隆四十一年

賜諡節愍

欽定勝朝殉節諸臣錄參盛禾稼村筆記
紫鼎臣袁吳二志皆失載稼村筆記又有嘉興同知
朱議海與鼎臣同時自縊于儀門附見于此

國朝

史載字筆公蘭陽人進士順治十二年知嘉興府剛明正

直不畏強禦每鞠盜得實立斃杖下由是盜靖民安性

廉介饋遺一切屏却時郡學久圯載發帑修葺殿廡一

新祀名宦

大清一統志
參浙江通志

嚴正矩字方公孝感人進士順治間授嘉興推官判決明

允案無滯牘捐俸糴粟以活饑民陞杭州知府歷戶部

左侍郎祀名宦

湖廣通志參
杭州府志

尹從王字含美山東人進士順治乙未任推官執法清嚴

一時豪右避跡立漕糧官覓法軍民不相見至今遵行

之

大清一統
志參袁志

葉蘅慈谿人進士順治庚子為嘉興教授端謹善誘來學

者眾遇貧士輒資給之著有東西銘注

王師夔南城人舉人康熙庚戌知嘉興府服官清慎而時
濟以威俗多賭博者廉訪一二寘之法風漸息漕糧故
多積弊師夔屢為禁革胥吏不敢私派民德之

姜廷樸字尚父會稽人康熙庚戌為嘉興教授學問該洽
勤于課土工詩陞肥城知縣

以上吳志

張作礪字石齋玉田人康熙壬子任嘉興同知廉介自守
政寬大不務矯刻遇豪右執法不少貸凡四載人畏而
懷之嘗攝石門縣事却餽遺革差擾時值軍興邑當衝
道作礪籌畫有方于是兵守紀律民皆安堵祀名宦

袁志

參石門
廟志

盧崇興字鼎卿廣甯人康熙十四年知嘉興府值閩藩初
削郡當孔道儲糗糧備供頓督造戰艦區畫有方絲毫
不以累民捐俸修郡學及育嬰養濟諸院設義倉置田
若干畝人稱之曰盧義田著守禾日記六卷祀名宦

名宦

冊參公
舉事實

袁國梓號丹叔江南華亭人順治六年進士一時文名與
劉子壯熊伯龍王廣心王庭相頡頏以刑部郎出知山
西平陽府多惠政康熙戊午補衢州移嘉興首建併田
併戶設板串禁優免卹賠荒諸議以均田賦悉可行之

久遠議見藝文志公餘之暇惟以吟咏自娛撰嘉興府志二十卷綜攬前志成于一手其持論動切民生非徒摭摭遺聞而已外所著有齊政錄四卷求是堂制藝一卷

范光燮鄞縣人康熙丙辰為嘉興府訓導性剛正諸生有過輒召而面責之生平好善不倦聞有至行可嘉者必請于學使獎勵焉祀名宦

季舜有揚州人監生康熙戊午任同知發奸摘伏積弊盡革所決多疑獄人奉為神明祀名宦

閻若琛字沛仲太原人進士康熙壬子知嘉興府居官嚴

謹門無私謁治郡四載百廢具興以上吳志

徐崇禮字秩庵漢軍鑲白旗人康熙三十二年知嘉興府

明敏善折獄嚴保甲設巷柵以弭盜賊歲旱步行數十

里竭誠祈禱親歷原野勸民播種又請于上官緩租設

賑民賴以全以呈誤去將出境號泣攀留者數千人挽

其舟而還越宿潛去民思慕不置塑像城隍廟祀之

黃家遴漢軍鑲白旗人舉人康熙三十五年知嘉興府勤

敏有為以發奸摘伏為已任多善政民懷其德嘗輯前

太守楊貞肅繼宗政績記其設施多所取法暇與里中

檢討朱彝尊處士盛遠賦詩贈答一時士風為之興起

嘉興府志 卷四十一
三
祀名宦

以上伊志

佟賦偉奉天人康熙三十八年知嘉興府遇事仁恕而奸猾自嚴憚之城河堙塞捐俸開濬郡庠樂器一一增修釐訂之

臧憲祖康熙丁亥知嘉興府時委丈嵌田履畝清釐俾無隱佔嵌田百年之爭至是始息濬溝渠通漕利祀名宦項鍾巖字睦州漢陽人貢士康熙壬午任通判操守耿介織屑不取于民督運巡鹽並有惠績

張含章字豐村漢軍鑲紅旗人貢士康熙丁亥任同知屢攝郡邑篆斷事精敏人不敢干以私丁亥戊子歲饑奸

民聚眾剽掠含章捕首倡者重懲之民賴以安

費源字星來湖州人進士康熙辛卯為嘉興教授操履端

方士樂從之著古文詩藝重于時

以上吳志

何鼎字夏九號晴山舉人世為山陰人寄籍于楚康熙五十二年知嘉興府蒞任日告友戚曰予今日越人也明日嘉興守矣治嚴肅絕苞苴人不敢干以私任一載鐫秩年七十餘貧無以歸僑寓禾中卒葬三塔寺後

伊志

孟士模字周木會稽人由烏程洎安補嘉興府訓導振興

多士務砥名節居十載遷德清教諭

吳志

吳永芳字椒堂漢軍正藍旗官生康熙五十四年知嘉興

嘉興府志 卷四十一
府嘗以平湖陸隴其議從祀孔廟詳請未行雍正三年
增祀清獻于東廡卒如其請勅建鴛湖書院置膳田以
資膏火葺學校濬城河重修嘉興府志十六卷

江承炳字播五號詵菴歙縣人以司曹出為郡守雍正二
年知嘉興府嚴懲唆訟者訟以息徵收無浮額常積穀
備荒葺海塘以捍患民利賴之

閻堯熙字涑陽夏邑人康熙進士雍正五年知嘉興府未
蒞任易服察民情訪郡中無賴者痛懲之又於嘉善獲
淫僧立斃杖下在任五年屬吏非其時不接見廉介有
為民敬憚以其姓稱之曰閻羅嘗植梅于庭人以甘棠
比之

趙澧安吉人歲貢生雍正六年任嘉興府訓導時文廟祭
器多散失澧捐俸增補之典章文物賴以不墜以上伊志

富紳滿洲正藍旗人筆帖式乾隆元年任乍浦理事同知
二年春海甯築塘需石移文採乍浦觀陳諸山民情洵
懼紳指陳利害密揭總督嵇曾筠得奉檄永禁陞嚴州

知府乍浦志

郭廷翥即墨人舉人總督郭琇子乾隆二年知嘉興府蒞
任日惟挈二子自隨性廉介布衣蔬食不名一錢明于
斷獄多善政嘉善奸民富大等誘孩提殘損之廷翥密

訪寘之法人稱之曰郭青天民有黃綠呈控者邑令與
 上官皆准其狀廷翥獨不許忤上官檄委權他郡事去
 後邑令及上官皆褫職廷翥復蒞郡先後凡八載勤于
 造士每月試諸生以詩古文各就所長甄錄之政簡刑
 清訟庭草長冬無裘大吏知其貧予之金堅不受府堂
 多植梅有盛生者僵立中道適太守至頭踏擁仆之詢
 其故以吟詩對有放衙靜似呵蘭若官與梅花一樣清
 之句至今傳誦其清德槩可想見云

附錄諸檢討錦詩三水行美太守也郭使君奪赤子於
 豺虎之口寒暑聽訟武林公館者二年士民戴之醜厲
 猖狂誰式遏取彼兇殘赤子活人孰無情忘召菱使君
 淡欲如水平使君截犀如水明使君持衡如水平頑鈍

不才邀上計簞簞不飭希脫係撫字勞勞挂吏議清風
 行悒然者老何不樂今年奪我使君郭使君袖裏只清
 風承家節操制府公一錢不受過劉寵宦橐蕭蕭
 蕭兩肩聳津頭不聞打鼓船祇憑鶴唳聲聞天

沈廷標號賡堂進士仁和人乾隆八年任嘉興府教授性
 直率不苟言笑訓士子以言行兼修人欽其教升萍鄉

知縣以上伊志

林緒光字鳳溪閩縣人舉人歷知平湖縣以清釐宿蠹為
 已任邑有育嬰堂所費不給收嬰多轉送蘇州緒光捐
 俸置田五十餘畝諸嬰始畱育堂中在任數載有循聲
 擢員外郎以平湖錢糧註誤被逮總督李衛辨釋之後
 任乍浦同知建九峯書院延師訓課士風日上工書喜

為詩暇與諸生講學不倦著有獄中吟稿餘齋存稿陞

雲南知府

平湖張志

項喻字藏恕漢陽人乾隆十四年署嘉興府事抑豪強懲

蠹役誠求民瘼以興利除弊為已任歷署郡守補湖州

府所至多惠政

李清時字授侯號惠園安溪人文貞公光地從孫乾隆庚

午由翰林出知嘉興府辛未

南巡時議自郡至杭開副河清時以有妨于民議從平望抵杭

州舟甚便力言于上官事得寢蒞禾二載絕請託興禮

教廣書院規條士子多所造就歲旱步禱霖雨立降以

憂去累官山東巡撫

保全滿洲人乾隆二十年署嘉興府事值歲饑為民請賑

上官不允力爭之遂以調任去

李星曜銅山人貢生乾隆二十年知嘉興府歲饑米價騰

貴星曜捐俸倡賑獎勵富民輸粟以助率七邑仿行之

嗣復請帑開倉平糶設法以濟全活者甚眾

曾曰理字栗岩南昌人乾隆二十一年知嘉興府勤慎自

矢不名一錢以清廉稱調杭州守去囊橐蕭然歷浙江

按察使

凌樹屏字保釐烏程人進士乾隆二十二年任嘉興府教

授學問該博能文善課士月旦之評不爽尺寸禾中好

學者多請業焉著有瓠息齋集二十四卷

以上伊志

張鎮字東侯海豐人以保舉入仕乾隆辛巳癸未兩知嘉

興府強幹有為獻獄無遁情其有罔識輕重自蹈重罪

者必平反之曰吾敢繼法減之耶民愚如盲者墮溝中

一拯之耳以故言能吏者推焉

杭州府志

鄒應元字清源金匱人進士乾隆三十年由紹興調知嘉

興府清理庶獄案牘一空郡中有知名士皆延訪致之

一時士類為之興起居官有大疑獄大利病請于上官

不得力爭之卒如其議而止民安其政調杭州府

紹興府志

馮章宿代州人乾隆三十一年知嘉興府以仁慈為本恤

刑罰勤撫字重修郡學士民皆愛戴之

李允升長安人進士乾隆三十四年知嘉興府性和易而

遇事侃侃不少假借澉浦有孫家堰蓄永安湖水以灌

田自改堰為閘水洩田多荒訟數年不決允升相度水

利力請上官復之民至今利賴焉

陳夢說號曉巖絳縣人以御史任浙江糧道乾隆辛卯署

嘉興府有精嚴寺在秀水文廟南僧重建越舊制殿高

于文廟夢說裁抑之限以制士民頌之

范永澄號半村鄞縣人進士乾隆三十七年任嘉興府教

授性和易積學能文循循善誘弟子從游者眾歷知山西石樓徐溝二縣升朔州知府

王念典字徽五睢州人舉人乾隆三十七年以挑發署孝豐縣次年補嘉興府經歷清慎自矢公餘輒訪寒素杯酒論文終日不倦性至孝以母老不克迎養乞改教歸作詩畱別邑人士多歌咏以贈其行

朱璋號思齋長洲人乾隆四十年以運副借補嘉興通判明敏善折獄民多赴訴之每聽訟許盡言燭其情偽片言立決即予杖者亦心折無怨夜每易服出偵諸不法者重懲之于是宵小屏息民畏而愛焉判郡僅二載調

雲南鹽井提舉

以上伊志

案吳志後郡守立傳者凡十有四同知一通判一教職五經歷一皆公舉事實僅得其畧尚有郡守湯仁以勤敏稱楊成龍以鯁直稱通判吳貞開吳天界照磨張咏及副將張世英詢之父老皆有足稱者然傳聞異辭特識姓氏于此

伊湯安號小尹滿洲正白旗舉人出守處州嘉慶元年調任嘉興治尚寬簡潔已愛民於士林尤加培植時郡志閱八十年未修公修輯詳備後擢貴州觀察子鍾昌進士官至刑部侍郎次子繼昌舉人官至浙江布政使于志李賡芸字生甫江南嘉定人進士歷宰孝豐德清嘉慶元年調平湖潔已愛民盡心撫字居官一以陸清獻為法

釐革漕弊殆盡民懷其惠而吏凜其操邑有同善會司
 事者縛一人送縣賡芸廉知其無罪謂諸司事曰君輩
 既名同善會詎宜枉誣良善眾皆駭服一生進糧甚多
 限十日完納不數日繳送疑之密詢其錢所自來則對
 以不忍負公于今晨賣女作妾矣賡芸惻然亟邀買妾
 者至則頽然老翁也與之坐而諭之曰功令不得以士
 人女作妾今當就汝家爲此女擇一佳耦耳其人感愧
 卽指一幼孫之未締姻者令婚娶焉此尤其政績之可
 紀者尋以治行第一膺卓薦擢同知洊陞嘉興府同知
 政如其初以憂去服闋再起益勵清廉官終福建布政

使閩人爲立遺愛祠平湖東門外慈雲閣亦設主供奉
 焉賡芸事繼母孝湛深經術詩文亦別開一徑著有稻

香吟館集七卷于志

路鎬字墨莊湖北漢陽人監生由諸暨調平湖縣性仁厚
 民有薄譴不忍施以蒲撻亦不至廢法前令王恒輯邑
 志迄于乾隆己酉罇重修之自庚戌後十五年事賴以
 無缺凡蒞任六載陞任同知而去于志

周鎬字懷西江南金匱人舉人由知縣擢嘉興海防同知
 值海氛未靖羽書絡繹外輯商旅內安士庶民人德之
 鎬生平宦蹟多在海疆故于防海要務最明與提督李

嘉興府志 卷四十一
長庚善時長庚勦海匪蔡牽尙未奏功鎬言欲平海寇必先翦其羽翼如李祐降而元濟擒黃佐降而楊太滅此爲上計長庚深然之尤善治農政嘗諭鄉民曰吾家世業農凡耕耘收穫之事無一不知汝輩必不能欺我也詩有才力古文宗法韓歐著有犢山類稿官至福建

汀漳龍道

于志

王鳳生字竹嶼安徽婺源人監生父友亮官至通政使以詩文名公卿間鳳生克承家學才復沛然有餘嘉慶十九年以嘉興通判攝平湖縣事吏治勤敏終日坐堂皇投牒者立爲剖決不稍淹留鄉民咸便之乙亥春大饑

海上無業之徒乘勢欲行劫鳳生恩威並用境賴以安邑中飲射讀法保甲諸典廢弛已久鳳生一一行之尤能嚴禁教門優待士子其去也人咸思之官至兩淮鹽運使

于志

何太青字藜閣廣東順德人由翰林改知縣歷宰餘杭德清仁和擢嘉興府海防同知所至有能聲愛才若命與士子討論詩文晝夜不倦性慷慨好施戚友有求必應雖一日揮霍千金不惜也癸未大水皇然爲斯民畫生計旋丁外艱貧不能支嚴冬風雪身無敝裘賣書籍以易薪米客至不能具茶茗而處之宴然書法得柳意詩

亦清新拔俗著有遵路吟等集于志

張光燾號梅峴仁和進士由知縣改補府教授性端厚廉

謹勸學不倦身後一室蕭然任禾中猶有紹郡生徒掘

衣來謁者于志

龍光甸廣西臨桂人由舉人出宰湖南黔陽旋升乍浦同

知遇事敢為黜華崇實濱海豪民痛懲尤不遺餘力乍

浦故有九峰書院光甸鼎新之又捐廉修龍湫山祠蒞

任三載多善舉焉所刊書籍皆有關於世道人心者後

調玉環同知新纂

瑞元字容堂正白旗人兩江制軍鐵保子風流儒雅提倡

文教邑有鴛湖書院月設小課朔望命題嘉善黃安濤

主講署有梅花廳為補植數百本列庭前若排衙然每

逢政暇召諸生詢風俗評材藝道光十五年倡捐修府

學宮增建騰蛟起鳳兩橋跨南北俾肩摩轂擊者繞宮

墻後免塵囂後洊擢至湖北按察使粵寇初次陷省城

手刃姬妾幼子以殉事聞 賜卹 予謚端節新纂

于尚齡字礪溪江蘇金壇人以同知權府纂郡志自嘉慶

庚申修纂後閱四十年搜求掌故手自丹鉛雖分類太

繁然咸豐以前數十年文獻足徵亦資編纂之力新纂

徐敬字信軒江西臨川人善擘窠書畫墨行自嫌不由科

目進公餘銳意講求樵李文物每作儒家言與教授周
栳相切劘郡城屢經水患有圯壞者廣延紳耆分段捐
修雖暑雨冠蓋憇郊外板幹畚揭恒親督焉新纂

馬昂霄字雨峯江蘇吳縣人長身鶴立才鋒峻鑒大挑分

發浙江由桐鄉令游擢至郡守下車整頓士習開月課

甄優劣訪知書院田畝有移易侵蝕弊飭監院釐剔佃

晰祖增膏火無缺額戊午科揭曉徐生錦發解乃決科

冠軍者士林咸稱之咸豐庚申春攝杭州府視事甫五

日城破賊虜至昂霄衣冠投井死得旨優卹新纂

何紹祺字子敬湖南道州人由孝廉官滇移浙尚書何文

安公仲子家世清華與伯兄紹基俱善書法居官以扶

弱抑強推誠寡過為本其守郡也開濬城河民不病汲

廣籌經費培養士子使寒畯無仰屋嗟所著滇浙牘存

皆有關風教之言擢署督糧道辭官去參滇浙牘存

邢吉甫字子伊江甯人守禾時禾郡已被賊踞自庚申夏

至辛酉防堵屬邑桐鄉縣撫輯灾黎咸稱幹濟後赴省

被圍殉難杭城時有署通判沈裕申江蘇如臯人下檄

亦在郡城陷後畱省贊畫軍務同死於杭見忠義錄職官表

蔡兆輅字樸庵建德人咸豐壬子以即用知縣改就教職

教授嘉興府學請業者屢恒滿戶外金陵警至嘗語張

詠其誓勿頸俄聞詠殉國哭之慟恨自死晚投水卒忠義

錄有傳

張詠字梅臣錢塘人由諸生保舉選授府學訓導貌岍偉
慎言動弟子進謁者恒勸勉以忠義事咸豐庚申春羽
書絡繹與同寅論時事每日吾輩冷官不能挽強殺賊
一死報國四月二十六日賊至僕從欲掖之行叱之跟
踰而走自題廡壁曰城存與存城亡與亡君臣之義千
古維彰今也不然目擊心傷以扶名教以振綱常身不
可辱投水中央投頰池死藁葬學之後圃時賊括金銀
徧發地其門人恐掘棄之覓書斗入危城負骨出其室

人先以病卒新塍義士鄭石甫復覓其棺合葬於蒲鞋
浜閱四年學燬幾盡詠題壁仍屹立榛莽間學使吳存
義摹其跡壁隨圯知府許瑤光為立碑表墓新塍文士
歲時有祭奠之者忠義錄有傳

張墉陝西長安人咸豐年官西水驛丞庚申文報壅塞早
事不可為閤署不出均殉難忠義錄有傳

[Faded bleed-through text from the reverse side of the page]

嘉興縣 教職佐

晉

王胡之字修齡琅邪臨沂人少有風尚善屬文辭永和

為嘉興令歷侍中丹陽令

晉書王廙傳參嘉興湯志案史不言胡之為嘉興令柳志趙圖記名宦亦未列入惟嘉興湯志據陳與義閣帖釋文云胡之於永和曾為嘉興令今仍之

南北朝

沈演之字臺真武康人舉秀才元嘉中為嘉興令有能名

歷吏部尚書太子右衛率

南史本傳案柳志演之為嘉興令召入為司徒祭酒與史傳異今據南史改正又柳志趙志演之墓在郡城北二十里劉志以下皆因之今考談鑰吳興志演之墓在德清縣則此郡縣舊志誤也

唐

陸士修字里未詳大歷間為嘉興尉與顏真卿善顏守湖州士修往來禾雪間多聯句詩峴山窪樽之咏士修與

焉樵李詩繫

高日倫渤海人監嘉興鹽十年課特優從百萬至三百萬

監人賈人各得其所貞元十七年著作郎顧况為嘉興

監記美使臣之得人唐文粹參嘉興湯志

許某佚其名桐廬人長慶中任嘉興令方干贈以詩有樵

李傳聞風俗好重門夜不上重關及辛苦字人酬帝力

從容對客問家山之句至元志參趙圖記

宋

周沆字子真益都人進士慶歷中知嘉興縣當官謹嚴鉅

姦衛良丞相富弼舉沆通判鳳翔府去嘉興二十年民

猶思咏之以為前後無儷仕至戶部侍郎司馬溫公集參劉志案

宋史本傳不言沆知嘉興然司馬溫公撰沆神道碑則云監青州稅等以憂去職服除知嘉興縣較本傳為詳

今從之

王存字正仲丹陽人慶歷進士嘉興主簿修潔自重為歐

陽修呂公著趙槩所知擢上虞令去累遷尚書左丞宋史

本傳

胡楚材字公喬壽昌人明敏好學慶歷六年進士歷廣德

儀真判官調嘉興尉轉州幕以剛直忤權貴官止校書

郎遂隱居以琴書自適

嘉興湯志

蘇衮武功人皇祐間知嘉興縣以文章政事稱

柳志

韓晉卿字伯修安邱人以五經中第歷嘉興主簿奏課第

一歷官大理卿

宋史循吏傳

高覲字會之宿州人進士熙甯間為嘉興縣主簿有循吏

風累官集賢院學士

宋史本傳

錢猷嘉祐中知嘉興縣決獄如神有却叟告牛為盜所殺

錢曰若亟歸勿言報吾但密召同邨解之徧以肉餽所

知或有怨仇即倍與叟如其言翌日果有人懷肉告叟

私屠牛者猷詰之果告肉者所殺

嘉興湯志

高元常字復明宿州人祖覲前嘉興主簿元常幼開敏試

將作監主簿後徙嘉興丞嘉興劇縣令不任事嘗持檄

出旁郡訟牒如山元常暫領其事一朝剖遣立盡先是

佃戶靳輸主租繇此多訟元常揭而書曰田人田嗇其

入杖且奪田民競往償訟於是息華亭戶欺詐田已獲

而撥其芟引水沒之歲比訴菑吏不能察元常行田為

十等號參相驗欺者輒得民不能欺

晁无咎集參嘉興湯志

陸元光字蒙老歸安人博學善吟咏宣和初為嘉興令後

改晉陵時州幕官有好讒謗同列者一日聞蟬陸即席

賦云綠陰深處汝行藏風露從來是稻梁莫倚高枝縱

繁響也須回首顧螳螂其人聞而少戢庚溪詩話參嘉興湯志案舊

志縣令陸蒙老有嘉禾入詠詳古蹟俱作蒙老名元光字今據宋詩紀事改正

陳昱紹興間知嘉興以政事稱柳志

黃度字文叔新昌人隆興元年進士乾道中知嘉興縣訟

牒紛紜隨事裁決畧無疑滯後歷官禮部尚書宋史本傳參柳

志

李時習毘陵人進士淳熙元年為嘉興令佐郡守張元成

延邑進士聞人綱撰嘉禾志五卷嘉興湯志

李陟字弁升內黃人進士淳熙中令嘉興強果辦治以愛

民為人所思歷殿中丞趙圖記

徐彥明字哲夫餘姚人進士慶元時為嘉興令勤于政事

時流寇四起率鄉勇晝夜巡視民得安堵頻歲旱蝗濬

河道以通水利民甚賴之吳志

莫子文字武仲吳江縣志吳江人寶慶二年進士知嘉興

縣考滿候代會王疇奉使括田法甚苛細子文不從疇

譖之田使劾其拒命降宣義郎制詞云勤撫字拙催科

賢者之常也爾為令切切愛民乃不能汲汲赴功坐是

為使所劾降爾一秩非朕得已然亦因是以知爾之為

人仁矣田使見之怒持不與後五年始復其官制詞又

曰君子之仕利鈍亦何常之有彼迎合希進之儔乃欲常利而無鈍然至於時論卒亦不能有其有也頃奉行田令者倚法而逞爾制邑且受代乃能力抗其鋒期以不擾雖主計之臣請黜爾朕不爾忘也五年之踣於今而復士所當為者不止此其益勵所守以副朕意後吏部尚書趙以夫言其能拒括田之令甘心受譴不以病民遷道州通判累官至廣德軍兼管內勸農營田事

嘉興

湯志參松陵文獻

陳德元字元善福安人淳祐七年進士任嘉興縣尉以賢能稱

葉慙佐景定初令嘉興賈似道行公田之法提領劉良貴劾慙佐以不即奉行罷官

易偉字成大父斗南廬陵人咸淳初為常熟尉因家崑山偉負氣積學能自卓立試吏平江調嘉興尉擢浙省幕官率職無怠後以吉水州判官致仕

以上嘉興湯志

張抃咸淳五年知嘉興縣因主學張夢吉請興學校以狀上之判府知軍文及翁乃以西城舊驛為學兼置學田四十六頃抃文學政事著名一時後文天祥辟為參謀永豐空坑之敗同天祥子女闔門死焉

宋史文天祥傳參嘉興湯志

吳思齊字子善麗水人由任子入官咸淳中任嘉興縣丞

會令以言去攝縣事獄多留繫思齊坐獄戶讞問凡株連疑罪悉簡出之死刑多所平反遇事不以勢移不以

貧屈自號全歸子袁志

案嘉興湯志宋縣令有孫復以長水縣而誤也宋史秀州有嘉興縣無長水縣歐陽修撰復墓志銘固云徒知河南府長水縣志失考也又湯志潛說友令嘉興以惠愛及民為宰輔所賞柳志稱成淳間潛說友知是邑有惠政考宋史說友為賈似道陳宜中黨知平江府時元兵至以城降乃貶南安軍籍其家然則說友為令嘉興雖有惠政亦不足道况志所言初無實據今刪去又湯志採夷堅志林又為嘉興簿無政績可紀姓名已具於表不贅

元

謝天錫字純父吳興人至元間授嘉興縣主簿嘉興當孔

道地狹而民瘠方歸附初使者乘驛往來日無慮以十數科調繁與天錫佐邑宰一以寬恤為事民歡然供給無敢後者尉缺天錫兼攝尉事設方畧治盜盜是用弭縣有疑獄久不決天錫廉得其實一日命取網罟羅積水中得枯骸寃乃得白民驚為神囚瘐者眾天錫具湯藥餽粥以給之多所全活民以佛子稱之考滿上官咸薦其能而天錫浩然有歸休之志矣嘉興湯志 案趙孟頫所撰天錫墓

誌至元間為嘉興簿劉志作明初者誤

潘明之至大間為嘉興尉與金華許謙友善嘗稱明之英資挺特德性剛明傳朱呂之學能折節下士在縣時嘗

聘謙教縣之子弟謙未赴明之亦旋解官

嘉興湯志

趙良弼字君卿東平人延祐中為嘉興路吏遷嘉興縣尉

屢著善政

袁志

楊森德至元間知嘉興縣興學校

柳志

陳伯顏字大有睢州人至正間尹嘉興時兵興徵調繁苛

伯顏寬假貧弱細大無擾而事亦辦給禁暴戢奸邑賴

以安

趙圖記

潘庭堅字叔聞太平人至正庚寅任嘉興教諭見學宮傾

圯白於縣令陳伯顏捐俸修之更稽學田租逋為興學

公費四閱月而成規制與郡學等陳遠有重建大成殿

記

嘉興湯志

石光著字仲明海陵人至正間由長洲尹調嘉興清潔有

執持興學勸禮嚴制猾豪細弱得所

柳志

沈秉忠至正間以江浙行中書省宣使來管嘉興驛事嘉

興介錢唐姑蘇為衝要地使舟驛騎往來如織餽膳稍

遲則抽刀擊之長吏不能禁秉忠至諭以利害咸警伏

相戒勿犯民賴以安調三公府宣使

鍊穆而溥化字宏道至正二十三年以江浙行省宣使管

嘉興驛驛本煩劇且壞于兵溥化始置舟楫亂持往來

舟為藩部官所據過者輒鞭扑郵吏譁于府縣莫敢誰

何溥化痛懲其無賴者自是帖然以上嘉興湯志

賀傑元末嘉興萬戶值革命解所佩金牌投幽蘭井遁居

當湖以終吳志

明

張雲字從龍洪武三年令嘉興居六載巡按御史袁某以

清慎有為特異之升山東濮州知州柳志

魏誠河東人洪武六年嘉興丞撫新附之民興學校以善

政聞趙圖記

徐本字復初江西人洪武十年知嘉興為政嚴明長於撫

字值東作方輿躬親勸督自為勸農文使民傳誦鄉老

至今稱其善政柳志

吳禮德化人監生洪武中由金華令調嘉興以廉能著官

至雲南大理同知吳志

蔡楫字汝濟沛縣人由人才擢監察御史洪武三十一年

知嘉興出滯囚二百餘人勸率富民納逋糧四十八萬

有奇縣多亡賴楫於縣廳置善惡二牌民有善則誌之

有過惡弗率教亦誌之由是民感愧皆趨善去惡柳志參徵

獻錄案吳志以蔡楫誤作嘉興知府今訂正

張進字公迪金壇人洪武末任嘉興丞為政勤勵雅好文

學吏民愛之擢監察御史嘉興湯志

鄭深道字文元龍溪人洪武舉人被旨視兩浙鹽運使司

獄深道廉得數人非其罪出之比還其人各懷白金尾

舟後以謝深道却之既復命授程鄉縣教諭改海豐又

改嘉興秩滿遷甯波府教授

嘉興湯志

蕭福閩縣人洪武末以儒士任嘉興典史在公清勤雖處

卑職理劇務而讀書講學不輟擢監察御史

劉志

李孟璿字南莊海鹽人祖元白元時為嘉興總管孟璿永

樂初以經明行修薦歷嘉興汝甯訓導教養有法士風

蔚起所著有南莊集

嘉興湯志

趙緯字大經洪熙初浙江按察副使謫嘉興典史吏部侍

郎黃宗載以清軍行部至嘉興苦籍伍漏匿軍民訐訟

分委有司皆不能理以屬緯緯綜核搜剔不旬月弊去

籍清宗載大異之檄諸縣視以為法

趙圖記

傅霖字良佐貴溪人宣德中任嘉興管糧丞督徵有法賦

完嘗為諸邑先且勤於幹辦邑無墮事升東平知府

柳志

顧儼字廷望其先吳縣人正統戊辰巡按御史齊某以經

明行修薦授嘉興訓導造士有方多所成就後擢監察

御史

天台縣志

蒙遜字牧甫龍南人成化時為嘉興令值官塘傾圯捐俸

修築捍賊郭阿謙嘯聚新豐以計擒戮之

吳志

陳璧字瑞卿高郵人成化進士知嘉興縣性抗直不折節

權貴凡上司以事臨者與辨析民情利病侃侃不撓能

以氣節服人歷都察院右副都御史

嘉興湯志

郭資字逢源福建人進士成化時除嘉興令持身廉潔人

不敢干以私有兄弟訐訟十餘年不能決感資解勸和

好如初擢御史

張鏞字析懷麻城人宏治初為嘉興令甫入境聞居民袁

號聲詢之乃逋賦不能輸者鏞惻然曰是皆長民者之

不能均役故也力請于上官緩徵輸釐正戶籍田三百

畝以上者先役之貧民賴以無困擢戶部郎

以上吳志

甘應奎江甯人貢生歷嘉興訓導陞龍南教諭勤于教士

雖隆寒盛暑必冠服危坐以督課業

何天衢字道亨道州人宏治進士授嘉興令縣多蒙右天

衢至誅悖逆戒囂訟治圯族卹災疴緩通役六載績用

丕彰擢監察御史晉工部右侍郎

以上嘉興湯志

洪範字邦正金谿人進士宏治末知嘉興有治畧初至三

月如不事事者吏卒頗侮慢之不加筆答太守以為庸

及編差糧長太守語節推曰糧長邑之重役洪令不任

事君為代之推曰此令長事也代之彼不堪姑諭之意

因召與語範從容應也某非不能為但無事不欲擾耳

今既相責某當為之還呼里書集庭中焚香約明日審糧長官與吏書有欺謾者明神殛之吏卒前侮慢者復笑之杖而懸諸門復申令曰聞審此役多集人廢時日致多嚇取人材今我每區只用里老二人敢有妄舉毋貸庭中肅然皆以實舉盡日而畢上諸府守驚曰此重事須日月乃辦何草草乃爾範應曰知縣但為之盡日足矣及守覆核里老皆曰自耳目所聞見此役不擾而辦者獨此令耳守歎曰賢哉令乎吾不足以知之是後治縣平易簡當皆如此縣以無事其鋤強右弱廉靜寡欲大類楊太守繼宗士民為之語曰洪令楊守承前啟

後召為監察御史終提舉副使

趙圖記

蔣達字文孚僑居江都軍籍正德進士任嘉興知縣擢御史值宸濠叛出兵江上以勞邁疾卒贈光祿寺少卿

嘉興志

湯志

鄭復字一陽龍溪人舉人正德間為嘉興訓導師範端嚴歷樂清樂昌瀧水三縣令告歸林居二十年四壁授徒

躬耕自給

嘉興湯志

黃訓字學古歙縣人嘉靖進士為嘉興令為政溫良不干聲譽升兵部主事所著有皇明經濟錄黃潭文集讀書

一得諸書

吳志

黃獻可字堯俞莆田人嘉靖進士知武陵縣調嘉興愛民

好士儒學僻處城西風氣不萃獻可擇治東興聖寺址

徙置之自此人文蔚起劉志

盧榘字木伯崑山人嘉靖進士令嘉興加意黌序延名孝

廉為生儒師日講月課寒暑無間捐俸置田二百七十

畝給贍又以田賦多則建議均平為豪右所阻未及行

劉志參嘉興湯志

張師載字以道潛江人嘉靖進士知嘉興縣會編里甲委

曲調停使貧富適均先是以海寇殺掠人情洶洶思遁

師載曉以去止禍福寇退民安如堵廉介自持召去行

橐蕭然官終巡撫都御史

童憤貴溪人繇吏曹任嘉興縣典史清苦執法以誣黜公

論惜之以上嘉興湯志

張烈文字元煥雲南籍巢縣人嘉興進士令嘉興誠懇謹

愿遇事兢兢不苟言笑始終一節升南京戶部主事葺

有文海流奇等編劉志

劉鑑字廷光蕭縣人嘉靖丙辰以尤溪簿陞嘉興丞持身

廉潔蔬食布衣教民禮義有貧民負馬丁錢鬻子而貸

即蠲免以贖其子陞山西太原前衛經歷

郭東字仁府高平人嘉靖進士令嘉興溫良慈愛凡遇訐

嘉興府志 卷四十二
訟每爲和解不事鞭扑催徵尙寬恕亦無逋負丁外艱去

李時行字少階番禺人嘉靖進士宰嘉興晉南京兵部主事以事去官不復有歸志徧遊吳越齊魯諸名山所至

寄情詩酒超然物外若無所撓于中者

以上嘉興湯志

何源字仲深廣昌人嘉靖進士爲嘉興令凡聽訟曲直已判徐復委曲開諭皆得其情而去公庭寂然郭杰以鍛獄誣服沈寃十年廉知行奸謀殺者郭明也釋杰而罪明邑人稱神歲當擢造鄉官以受寄爲常一日五鼓遣吏取圖書實數卽集胥吏於衙局鑰之一時不得高下

其手詭寄之弊十去七八當道有總理鹽法者欲增課額源謂民方苦倭萬一鹽徒朋引禍且不測止之年饑申請緩徵通查五年銀米之餘抵所請之數額不虧而民自便在任二年官舍蕭然民有喫水還錢之謠內召

歷太常少卿

徵獻錄

李寅賓字于陽婺源人嘉靖進士令嘉興三年政平訟理嚴而弗苛節而有文能而不矜儉而有制陞南京工部主事

曹存句容人嘉靖壬戌以鄉薦掌教嘉興侷儻有大節諸生初食廩舊有贈金悉却不受月課鎖門如闈人稱爲

嚴師

陳延吳縣人嘉靖中歲貢丙寅任嘉興訓導以甄陶士類為已持持已恬淡處世和易未嘗有疾言遽色循循善誘被其延接者如坐春風中陞桐鄉教諭嘉之士負笈從者甚眾

李士龍字應明嘉定人歲貢任嘉興教諭修治廊廡整理

祭器廟貌肅然

以上嘉興湯志

龔勉號毅所無錫人隆慶進士知嘉興縣宅心仁恕莅政寬平以憂去後為嘉興守尤著善政歷浙江布政

羅星字拱北南直太和人隆慶進士知嘉興縣覈圖田省

坊役申保甲諸所興革盡便于民尤慎刑獄囹圄屢空

村落間經年無胥吏迹擢大理評事

以上吳志

張問達字德孚內江人萬歷進士知嘉興縣編審里甲不

寄耳目於胥吏富民不得規避貧窶甦息他若興學校

清義倉厝注皆法度擢御史

嘉興湯志

顧雲程號襟宇常熟人萬歷進士初任滄安令調嘉興歲

大稔穀賤不售舊例徵賦以十月始雲程至歲盡不徵

部使者怪之正月朔雲程集耆老問曰穀價視冬時幾

何日益一鍰矣曰若是趣完賦耆老曰諾五日入四萬

金旦日上之部使者異之擢治行第一

嘉興何志

鄒東魯兗州人萬歷間以貢任嘉興縣丞賦長歲有常饋
纖毫不受又捐俸賞早畢賦者清操益厲鬻衣以供饋
粥居官六年終始一轍升魯府紀善貧不能行邑縉紳
捐金助之

鄭振先字太初武進人萬歷進士宰嘉興年甚少令下嚴
胥徒市魁惴惴守功令經理賦法酌北運之宜條上四
款一曰議改派二曰議抵給三曰議供應四曰議捐解
無不曲中事竅民困以蘇建常平二倉以供存抹時有
豪民匿賦者廉得其實戍其人而沒其田以實倉贍學
會大祲駕小舫歷村落問民疾苦發滯穀萬斛民得更

生設仁文書院置義田以興起斯文為已任

以上嘉興湯志

湯齊號麗河武進人萬歷進士知嘉興縣清儉自砥寬贖
緩蠲羨耗平繇役釐積弊民戴其德縣向無專志齊纂
修之仕至太僕卿

嘉興何志

康元穗字曰穎安福人萬歷進士為嘉興令不能葬者多
棄棺郊外元穗置漏澤園瘞之汰運糧浮額報最升南

禮部主事

西江志

諸元道字畱方餘姚人萬歷舉人任嘉興教諭談析名理
揚挖藝文弟子執贄請謁不問贄而問業有貧病不能
支者輒請之邑而賜助之屬鄭令創仁文書院設義田

嘉興府志 卷四十二
以垂永久元道躬歷荒野覈定肥瘠條議徵收井井有法自是公費有賴遷湖廣醴陵令

高座字文峯臨安人萬歷歲貢任嘉興教諭課士有程不廢寒暑學宮傾圯諷有司修葺覈學田之隱匿者以食貧士後以諸生與范通判相角學使者右范諸生盡納章服求退士論譁甚高亦左遷縉紳惜之以上嘉興湯志

張鳳翥字潛存宿松人崇禎進士知嘉興縣初莅事簡靜無爲或易視之不一月發弊懲奸吏皆畏懾民苦役久值編審始行均田法至今做行興學校勤月課造就諸生以憂去後爲荆西道嘉興何志

羅炯字然明歙縣人進士崇禎間知嘉興縣徵糧有法清操不苟民有一杯羅芥之謠興文學修縣志皆其實績

升任去袁志

林之蕃字孔碩閩縣人崇禎進士嘉興令喜畫山水落筆蒼潤其爲吏清廉有聲不善逢迎上官遂爲齷使者所

劾拂衣歸無聲詩史

國朝

林達莆田人舉人康熙癸卯知嘉興縣禮賢好士徵輸釐革夙弊士民均愛戴之

樊咸修字慈東三原人進士康熙戊辰知嘉興縣寬猛得

宜民情帖服邑有豪惡翦除不遺遇窮民則加意撫恤

之擢給事中

以上吳志

莫大勳宜興人康熙初知嘉興縣立官解白糧法至今便

之

大清一統志

鮑鈇字安之奉天人自康熙丁亥至乾隆壬戌間凡三任長興令有廉名遷鹽運分司乾隆八年以鐫級改令嘉興儉約彌甚官廚至燃糠代薪與邑人接恂恂有儒者風顧性亢直於上官無所唯阿踰年調任海甯諸翰林錦賦雲中君一篇贈之并序其于役詩謂有魯山次山風格所著道腴堂詩正續二十六卷中有載興集三卷

在禾作也

閻公銑字惺甫昌黎人進士乾隆十年自縉雲令調嘉興操守方正人不敢干以私民訟立判其曲直尤勤於課士其後遷黔中牧數年解組歸復來遊禾禾人欲請爲書院長以年老不果畱

沈莫尙字禹聲餘姚人康熙舉人乾隆十三年爲嘉興教諭品行端潔課士嚴而有法嘗捐俸倡建尊經閣邑人士樂從經訓者皆助成之於是學制始大備

楊承綜字亮采廣濟人雍正拔貢歷繁昌蘭溪浦江令乾隆十三年調任嘉興釋誣盜白冤獄十六年以

南巡

御舫所經議改作宣公橋橋通闖闖行者日往來如織承綜謂拆之非便議遂寢次年以竊案被劾未幾歿于禾人咸惜之

阮培元號篤庵黃巖人舉人乾隆三十九年爲嘉興縣訓導學問該洽爲文根柢經吏品端謹蕭然一室與諸生講學論文孳孳不倦

鄧日治字勸齋英德人由拔貢于乾隆五十年調知嘉興縣居官以儉約風世敝衣蔬食性慈愛不妄笞一人民亦感而知勸殷勤撫字以良吏稱莅任六載吏議去去

之日老幼走送者數千人牽衣泣別肩輿不能行

以上伊志

趙黻號豈堂直隸滿城舉人由仙居縣于嘉慶七年調嘉興在任二十年潔已愛民多惠政升紹興同知卒于官貧弗克成禮歸櫬過禾士民哭奠以萬計懸公遺像于郡廟之守一堂歲祀勿替有紳耆公舉畧公任嘉興二十年虛堂懸鏡庭無雀角之爭比戶編氓人絕鴟張之習敝宏文之館捐廉籌及歲修施普濟之堂分俸並依月米煮賑則活人無算除兇則安堵不驚凡績之卓然可傳皆事之顯而有據所以滇左差歸之日僉云還我使君每當歲終伏臘之辰人盡拜公遺像允宜載之志

乘永作官型仰祈采入輶軒以孚輿論于志

徐榮字鐵孫漢軍正黃旗人進士起家博學能詩精金石書畫署嘉興縣時曾修郡志充分纂儒行文苑屬橐居多游升閩汀漳龍道率師援徽州軍次漁亭遇賊戰死

奉

旨入祀昭忠名宦兩祠 忠義錄有傳

楊裕深字曉東貴州貴筑縣人以進士宰嘉興道光時乍浦海氛方熾潰勇退入郡飢攬渴奔城內外皆罷市亟出錢緡令易器械為回籍資其未去者仍事剽掠居民縛獻縣署則糾眾鼓噪遮奪去官不得伸其法裕深令

民廣樹巷柵家自為守有竄入橫行者格殺勿論勇不得逞遂散去經畧駐紮北教場逸騎四出至奪縣令自乘馬裕深憤撲之待罪軍門經畧直之賜赤捧二植署前軍士相戒勿犯支應亦稍紓後擢至兩浙鹽運使新纂德成字竹樓漢軍伉爽鋒厲聽斷無積牘調任鄞縣會山

石街土匪滋事死於難新纂

朱緒曾字述之江蘇上元縣舉人學問賅洽重刊棠陰比事一書為鞫疑讞者法道光已酉水災籌賑苦口勸導人咸樂輸梅里為人文淵藪重修竹垞醜舫曝書亭校刊梅里正續詩輯尤嗜古書公餘屏騶從走書肆見宋

元板本必購歸解篆後行囊惟書篋而已新纂

程夢麟字聽溪德清舉人訓導嘉興整頓堂課闢署中月

泉精舍局試諸生獎勵優等道光十五年修理府學宮

隨知府瑞元督理工程不憚勞瘁捐俸修本學宮墻與

廢舉墜列績學碑夙精琴理晚年以病乞歸築貯雲樓

于溪上遠眺吳山榜其楹曰可談風月不礙雲山高風

遠被禾人士猶深景仰焉新纂

瞿綬章字潤甫江蘇婁縣人分防梅里性寬厚喜施醫藥

咸豐庚申四月郡城陷在鎮稟請巡撫王有齡札發鎗

礮火藥會同鄰近硤石鎮集團聯絡五月提督張玉良

飛書約期會剿張師攻西北門鎮團攻東南門賊閉城


死拒時驅老弱出為招撫之獲謀者解張營不戮於市

村鎮賴以晏如七月張師潰賊傾巢至綬章頸被三創

遽仆他賊度已死舍去團勇弁歸署乃大呼曰我心猶

未死也固守四廂三閱月迄無濟匍匐至漾葭灣自沈

死事聞 賜卹 梅里殉難錄 浙江忠義錄



善且詩志 卷四十一 名宦 二

秀水縣

明

趙忠盧龍人由貢士授監察御史秀水初析縣出忠知縣
事勤敏才辨有聲於時

喻義餘千人宣德進士知秀水縣寬簡適宜民安其業上以

柳志

黃憲萍鄉人貢士正統末知秀水善撫字決獄稱平暮年
告治時處州寇葉宗畱為亂幕府廉其才命部民兵往
勦陣歿邑人痛惜之

韓啟字景明嵯縣人正統中學士呂原薦授秀水訓導造

士有方升德府紀善

李伯璵字君美上海人舉人正統六年秀水教諭監司薦

其文學升淮府右長史

以上趙圖記

莊澈江甯人進士天順四年任秀水知縣修葺學校九年

考滿遷薊州知州

柳志參劉志

郭珙字元圭閩縣人進士成化己亥以會稽令調秀水暮

夜有投金者亟捕之不獲暴其金於市終珙任人不敢

干以私

劉志

李暉字應巨閩縣人初為給事中成化中以言事出知秀

水下車時值秋旱力請緩徵是歲歉甚上官追民逋賦

民不能償具狀於督儲言民困難以奉公請以已死易

之督儲亦嘆服擢監察御史

吳志

孫樂字夔卿福山人進士正德元年知秀水縣卓犖有幹

局猾胥僂行無敢舞文為姦者召拜御史

劉志

蘇恩字從仁江南華亭人進士正德中知秀水年少機警

蒞事緝密抑強扶弱號為賢令召拜監察御史

趙圖記

許瑛當塗人正德四年由功曹任秀水簿潔已愛民士大

夫為冰壺秋月歌以美之歷官縣令

秀水李志

劉夢陽臨清人進士正德己巳知秀水廉靜不擾尤博學

能文章簿書有暇即披典籍時或歌咏于堂皇擢戶部

主事

趙章合州人進士嘉靖乙酉知秀水性剛敏執法不撓所治即豪強不少貨下戶羸弱必委曲訊鞫之勿輕出入

敬禮賢哲興學造士士論歸之

以上劉志

洪遇歷城人進士嘉靖甲辰知秀水先是民覲輕役多析戶寄產遇令民自疏歸併賦均而不擾歲大饑不待上

聞發廩賑之全活者無算以艱去

明浙江通志

王應顯漳浦人嘉靖進士庚戌知秀水攻苦茹淡時倭寇患亟應顯與郡守劉慤合謀守禦日給糧餉治器械撫循士卒夜巡行城壘無頃刻息肩士女避寇從田間來

以萬計監司令由女牆繼入毋啟門應顯泣曰民眾絕者寡賊猝至盡捐鋒鏑矣令啟之皆得入甫畢而倭薄城鮮遇害者歷官太常卿

陳松青州人進士官御史時嚴嵩柄國同臺有非禮諂事者邀松偕行松大言嵩聞而憾焉嘉靖甲寅左遷秀水令刻意為民鋤強扶弱邑有柄臣子弟奴隸橫甚松裁抑不少貨遷平涼同知

王諷祁門人舉嘉靖丁酉鄉試第一三十八年司邑教銳意作人立君親師三篇揭大學中庸訓于明倫堂能詩文有石龍集

張道字以中湖口人進士隆慶己巳由餘姚改秀水令治獄不煩敲扑里中徭役輒絮語慰勞之婦孺以時入齋雖牽裾引案無愠容士民懷德毋敢撓法者三載召為監察御史

張綸字宣甫汶上人性醇樸少以聖賢自期隆慶丁卯以貢士來司訓日進諸生講道於尋樂軒常布裘芟履飯首稽一室蕭然諸生饋遺峻却之雖蔬果弗受擢三河令

由禮門字中夫杞縣人進士隆慶六年知縣事軒豁明敏凡所厝注多革靡文一本諸誠意尤好汲引士類時有議均里甲槩及士夫者禮門曰仕民有等民子孫豈無登仕者此不均之均也及編審民帖然稱平後升兵部主事

朱來遠字文臣廬江人進士萬曆五年知縣事明敏識大體事無纖巨立辦嘗定踐更甚當一人獨前爭來遠謂之曰爾某所腴田某所廣廈非爾誰任者其人皇恐謝服邑稱神明報最歷升太常少卿

郭興疑有誤

監生萬曆九年授秀水主簿廉潔

自好每夜易服出宵小遁去民得安枕巡鹽緝捕禁從者妄索有幹才聽訟無枉滯輒立判郡邑遺牘皆願孫

簿理歷官通判 秀水任志

陳九德字懋夫鎮海人 鎮海一作漳浦 進士萬曆十一年知縣事

樸茂澹泊抵任時章布蕭然絳袍不具與人恂恂誠篤

喜進諸生譚藝每聽訟不加鞭扑詳審畢情上下敬信

之他郡邑有牘不解者輒移秀水會暑月兼試兩邑士

積勞成疾貧不能斂邑人為賻櫬以歸

郭如川字元至富順人進士萬曆十四年知縣事歲荐饑

加意賑恤全活以萬計其治多尚清靜雅抱羸疾一日

行閭巷三日臥齋閣中豪猾無文者亦頗衰止非大獄

輒移鄉三老諭之息問遺無所受請託不行升禮部主

事 以上劉志

羅心樸營山人進士崇禎間令秀水清慎敏達勤于課士

遷湖州同知謝政後往來禾中士林翕然依之

李向中字立齋鍾祥人崇禎末以進士知長興縣調秀水

潔已愛民執法不撓漕兌時運弁多橫索向中下令一

切禁革運弁蔣某率旗丁劫向中至漕艘捶榜幾斃闔

郡奔救以其事聞于巡撫旗弁正法初邑屆編審每僉

報殷實戶吏胥上下其手向中倡均里均田之議後遵

其法民以不擾 以上秀水任志

董用圓 一作童 嘉定人秀水教諭乙酉六月守城城破赴水

死

國朝乾隆四十一年奉

盲人忠義祠

欽定勝朝殉節諸臣錄 案袁志吳志僅見職官表中作嘉興教諭龔用圓俟攷

國朝

周之桂字二峯咸甯人進士順治丙戌知秀水縣兵燹甫

定招徠撫字民賴以甯召為給事中

賈曾字湛渠無錫人順治進士知秀水縣時海氛未靖

大兵南征供應立辦初不派擾閭閻修學校緩催科暇即集

諸生課藝面為評閱以漕兌註誤罷官去士民思之

王廷機字定一岐山人進士順治庚子以丹陽令調知秀

水節儉平恕遇事明敏蒞任九載吏民安之擢南通州

以上秀水任志

丁仁定新建人貢生順治甲午秀水丞收兌漕白二糧奉

公守法旗丁橫索雜耗仁定力持不與運弁加以橫逆

含憤自縊邑人為之訟寃事聞正運弁法仁定祀名宦

袁志

李見龍字德中蒙陰人進士康熙七年知秀水縣布衣蔬

食刻苦自勵賦役驛遞皆有條理絕不累民行取給事

中浙江通志

蔡祖煥湖廣人康熙舉人知秀水縣廉介有幹才時供應

大差人夫馬匹絕不科派及民官船往來議毀民居以通繚路祖煥力持不可乃已後卒于官貧不能還邑人輸贖歸其喪袁志

董懿字千里祿勸人康熙恩貢雍正九年以縣丞擢知秀水縣居官坦白治尚清簡操守廉介每視事小民有陳懇雖婦女薄案前無所阻解任後寄止僧舍積逋盈千民醵金以償始得歸就道日數十里攀輿泣下繪像尸祝有送至滇中者

魯克恭字伯敬豐潤人乾隆十三年知秀水縣才識明敏吏事裁決如流其詩古文辭並為時所推重好獎引士

類以文事請業者無不詳細指授開小西門水道以通出入民便之為令五載積勞成疾卒於官身後蕭然賴同官贈賻得歸櫬

李化楠字廷節羅江人乾隆進士初令餘姚二十一年調秀水大小案牘皆親自詳斷嘗言居官有六字訣曰眼到身到心到兼攝平湖訟牘山積化楠計日定程飲食皆坐堂上剖決一清縱民觀聽民歌曰雲霧七年三月見天以治行薦會憂去歷官北路同知以上伊志

劉炳然號藜閣安徽懷甯舉人由縉雲調任秀水潔已奉公愛民如子凡聽訟必愷切曉諭無不帖服卸篆日送

者遮道至今民猶思之于志

余士璫號菊農山西鳳臺縣進士道光壬寅知縣事西鄉無賴子虞阿男者聚眾抗租號召鄰圩戽水於田釘柵於浜攔截催租進路漕政幾誤士璫單舸泊鎮不假營兵購線計擒不旬日縛而戮諸市新塍鎮秋毫無擾新纂

江忠源字岷樵湖南新甯人由拔萃科舉於鄉以鄉團擒獠匪功得知縣來浙道光己酉委幫辦郡城荒政適秀水戴令暴卒時賑務方殷代匱難其人上游趣令攝篆忠源亦以事權在手得行其志遂毅然受任向來放賑者分編貧戶丁口冊成則官爲抽查具文而已忠源攜

一僕微服走窮鄉數日而徧遇村翁田姬絮絮相勞苦詰問盡得其里正染指狀歸擒數輩械以徇餘皆股慄終其事無敢舞弊者旋以憂去後建功楚粵仕至皖撫殉難廬州

賜諡忠烈事具國史

新纂

楊炳字子萱江西新城人議敘官於浙先任嘉興移秀水爲政持平恕而除暴不畏疆禦三店鎮有演習花鼓淫劇者協營弁撲滅之幾罹禍卒搗其穴四境肅然有惜味軒詩四卷後以玉環同知殉難省城忠義錄有傳

龔振麟江甯人有能名後擢知台州府殉難馬桂林金陵

人亦有能名後任乍浦同知殉難省城忠義錄有傳

傅汝梅湖北人縣丞居官赤貧庚申城陷前一夕攜僕費

福張燈登陴望火光偵虛實困圍城中闔門死甘科術

寓舍新纂

熊士龍江蘇清河人庚申警報疊至慮赭衣越獄時查囹

圜四月二十六日賊至先縱囚囚識士龍面言於賊被

戕於古井庵前忠義錄有傳

